

張氏醫通

張氏 卷之七

長洲石頑張

璐路玉父

男

以柔安世

訥遜言

參訂

大小府門

泄瀉

靈樞云。大。中。熱。消。痺。則。便。寒。寒。中。之。腸。則。便。熱。胃。中。熱。則。消。穀。令。人。懸。心。善。饑。臍。以。上。皮。熱。腸。中。熱。則。出。黃。如。糜。臍。以。下。皮。寒。胃。中。熱。則。腹。脹。腸。中。寒。則。腸。鳴。

飧泄。胃中寒。腸中熱。則脹而且泄。胃中熱。腸中寒。則
疾。飢。小腹痛脹。

世醫治病。但知熱以寒治。寒以熱治。外此總不講
也。設病中熱消瘴。而見懸心善饑。洵爲熱證無疑。
然必審其臍。以上皮熱。方是胃中熱氣蘊隆。若出
黃如糜。不但胃中有熱。而腸中亦爲熱邪奔迫可
知。倘臍以下皮寒。而見腹脹。有似乎實熱固結。實
爲胃中虛寒之候。或見腸鳴飧泄。非特胃中有寒。
且移寒於二腸矣。蓋熱泄則腸垢黃赤。寒泄則鶩

泄清冷。此病機之最顯著者。可以明辨。況有脹而泄。利黃赤。此脹爲胃寒陽氣不布之脹。泄爲腸熱便垢之泄。復有消穀易饑。小腹脹痛之病。豈非胃中有熱。腸中有寒之一驗乎。若此種種。苟未明仲景三瀉心湯。黃連湯。乾薑黃芩黃連人參湯。厚朴生薑半夏甘草人參湯。乾薑人參半夏等法。必不可以語至治也。

經云。春傷於風。夏生飧泄。風之邪內乘溼土也。○邪氣留連。乃爲洞泄。邪氣留連既久。則中氣失職。而爲洞泄無度矣。○精氣在下。則生

飧泄。

下焦虛寒火不生土則中氣不流而為飧泄食不化也。

○大腸小腸皆屬

於胃。

胃脈虛則泄。

脈者氣血之先脈虛則胃虛二腸失其上游而為泄瀉矣。

○溼

勝則濡泄。

脾惡溼溼勝則脾氣不流而為泄瀉。

○諸厥固泄皆屬於下。

脾腎俱虛則陽氣不能運於四

末故厥冷沉固而泄瀉清冷也。

○暴注下迫皆屬於

熱。

暴泄而肛門迫此屬火化若暴泄而肛門不禁

非陽久泄

○諸病水液澄澈清冷皆屬於寒。

非陰是也。

注下加以澄澈清冷安得不為寒乎。

原病。

式曰瀉白為寒青為風黃赤黑皆為熱也。大抵

瀉利。

小便清白不瀉穀不化而色不變者寒也。

不化。而色變黃赤。煩渴。小便赤澀者。熱證也。寒泄而
消化者。未之有也。或火性急速。傳化失常。穀雖不化。
而暴泄臭穢。色黃者。有之。仲景云。邪熱不殺穀。以熱
得溼。則飧泄也。

東垣云。夏間淫雨陰晦。時行瀉利。予一日體重肢痛。
泄利而小便閉澀。思其治法。必用淡滲以利之。今受
寒溼之邪。若從淡滲。非暮年所宜。行年五十以上。降
氣多而升氣少。得淡滲之劑。是降之又降。陽氣愈弱。
精神愈短矣。合用風藥。以羌獨升柴。其防同煎。所謂

溼寒之勝。以風平之。又曰。下者舉之。是因曲而爲之直也。若不達升降之理。而一槩施治。安得愈乎。

李士材云。內經之論泄瀉。或言風。或言溼。或言熱。或言寒。此名四氣。皆能爲泄也。又言清氣在下。則生飧泄。此名脾虛下陷之泄也。統而論之。脾土强者。自能勝溼。無溼則不泄。故曰。溼多成五泄。若土虛不能制溼。則風寒與熱。皆得干之。而爲病。治法有九。一曰淡滲。使溼從小便而去。如農夫治澇。導其下流。雖處卑監。不憂巨浸。經云。治溼不利小便。非其治也。又云。在

下者引而竭之是也。一曰升提氣屬於陽性本上升。胃氣注迫。輒爾下陷。升柴羌葛之類。鼓舞胃氣上騰。則注下自止。又如地上淖澤。風之卽乾。故風藥多燥。且溼爲土病。風能勝溼。所謂下者舉之是也。一曰清涼熱溼所至。暴注下迫。苦寒諸劑。用滌燔蒸。猶當潑暑鬱蒸之時。而商飈颯然倏動。則炎威如失矣。所謂熱者清之是也。一曰疏利痰凝氣滯。食積水停。皆令人瀉。隨證祛逐。勿使稽留。經云實者瀉之。又云通因通用是也。一曰甘緩瀉利不已。急而下趨。愈趨愈下。

泄何由止。甘能緩中。善禁急。速。且稼穡作甘。甘爲土
味。所謂急者。緩之是也。一曰酸收。瀉下有比。則氣散
而不收。無能統攝。注泄何時而已。酸之一味。能助收
攝之權。經云。散者收之是也。一曰燥。脾土德無慙。水
邪不濫。故瀉皆成於土。溼溼皆本於脾。虛倉廩得職。
水穀善分。虛而不培。溼溼轉甚。經云。虛者補之是也。
一曰溫。腎腎主二便。封藏之本。雖屬水。而真陽寓焉。
少火生氣。火爲土母。此火一衰。何以運行三焦。熱腐
水穀乎。故腎虛者必挾寒。脾虛者必補母。經云。寒者

溫之是也。一日因瀉注泄日久。幽門道滑。雖投溫補。未克奏功。須行瀉劑。則變化不愆。揆度合節。所謂滑者瀉之是也。已上九治。治瀉之大法。至於先後緩急之機。豈能豫設。須臨證之頃。圓機靈變耳。

戴復菴云。瀉水而腹不痛者。溼也。升陽除溼湯。或胃苓湯。○飲食入胃。輒後便完。穀者氣虛也。香砂六君子。或枳實理中湯。○腹痛瀉水。腸鳴。痛一陣瀉一陣者。火也。黃芩芍藥湯。○痰留於肺。大腸不固。或時瀉。或時不瀉。或多或少者。痰也。脈必弦滑。其人神色不

痺。二陳加蒼朮木香。或探吐之更佳。○腹痛甚而不泄。泄後痛減者。食積也。保和丸消導之。○餐泄者。史記名迴風。水穀不化。溼兼風也。風邪干胃。木來賊土。清氣在下。升陽除溼湯。若飲食下噎而輒出不留者。死。○澹泄者。汚積粘垢。溼兼熱也。黃芩芍藥湯加香連。○驚澹者。中寒糟粕不化。色如鴨糞。所以澄澈清冷。小便清白。淫兼寒也。附子理中湯。○洞泄者。卽名濡泄。體重軟弱。瀉下多水。淫自盛也。胃苓湯。○水液去多。其而轉經血枯。故飭急也。升陽除溼湯。○滑泄。

者久下不能禁。溼勝氣脫也。四桂飲不應用。六桂飲。○熱瀉。糞色赤黃。彈響作疼。黃門焦痛。糞出穀道。稍如湯熱。煩渴。小便不利。五苓散。瀉水多者。亦必用之。若去桂。即不効。○寒瀉。腹脹泄注。食即嘔吐。理中湯加肉桂。訶子升麻。○食久窘迫。大便色白。腸鳴切痛。脈沉遲。身冷不渴。溲清。或綿綿腹痛。附子理中湯加肉果。○夏暑暴瀉如水。周身疼痛汗出。脈弱少氣。甚者加吐。此名緊病。漿水散。○盛暑逼於外。陰冷伏其中。非連理湯不可。氣虛而瀉。四君子加升柴肉果訶。

子。○傷食泄瀉。必噯氣如敗卵臭。保和丸。虛者治中。
湯加減。○積滯泄瀉。腹必絞痛。方泄者是也。平胃散。
加磨積藥。○傷酒瀉。葛花解醒湯。○痰瀉。則頭暈惡。
心。胸腹迷悶。或時瀉甚。或時不瀉。二陳湯。加海石香。
附星、香、芩、連、薑汁調。神麴糊丸服。○有人患早起泄。
瀉。或時有血。午後仍便結糞。能食善飲。此是酒積作。
瀉。二陳。加炮薑酒炒川連、紅麴、陳酒麴糊丸。烏梅湯。
下。有血。去半夏加麴少許。晨夕各一服。○日間無事。
將晡腹膨。一夜腸鳴。不得寬泰。次早洞泄。此名頓瀉。

是脾虛滯盛也。胃苓湯加木香、砂仁。虛者理苓湯加木香。○氣泄。腸鳴失氣。胸膈痞悶。腹急而痛。瀉則腹下稍安。須臾又急。亦有腹急氣塞而不通者。此由中脘停滯。氣不流轉。水穀不分所致。木香調氣散。○水瀉。人胃名爲溢飲。滑泄。渴能飲水。水下復泄。泄而大渴。茯苓甘草湯。五苓散。并灸大椎三五壯。立已。乃督脈之病也。○泄而口渴。引飲。小便短澀。此爲津液內亡。錢氏白朮散。○腎水不足之人患泄。或過服分利之劑而渴者。加減八味丸。失治必致小便不利。水腫。

脹滿等證成矣。○凡大便泄。服理中湯。小便不利。大
便反泄。不知氣化之故。本肺不傳化。以純熱之藥治
之。是以轉泄。少服則不止。多服則愈熱。所以不分五
苓散。加入參。炙甘草。名春澤湯。經云。膀胱者。州都之
官。津液藏焉。氣化則能出矣。○瀉而腹熱。脈滑堅者。
屬實。當與消導。不應。是食積發熱也。加香連。更不應。
加大黃。微下之。○瀉而經年不止者。屬寒積。備急丸
神效。○泄瀉惡心欲吐。或水上不伏。或感山嵐瘴氣。
而瀉。藿香正氣散。○脾胃虛弱。內挾風冷。泄瀉注下。

水穀不化。臍下疝痛。腹中雷鳴。乃積寒久利。腸滑不禁。木香散。若藥與食入口卽瀉下者。名直腸瀉。難治。本方加人參白朮。用伏龍肝湯煎服。○憂思太過。脾氣結而不能升舉。陷入下焦而成泄瀉者。逍遙散去歸。加升麻木香。或越鞠枳朮相和服。不應。用補中益氣加木香。○久瀉。穀道不合。或脫肛。乃元氣下降。大腸不行。收令而然。補中益氣加訶子肉果五味烏梅肉爲丸。或四君子加防風升麻。○老人消運不及。而膨脹作瀉。九味資生丸加木香。善飲者加澤瀉肉桂。

○凡瀉多因於滯。分利小水爲上。若老人氣虛下陷。又宜風藥以勝之。如補中益氣加羌防之類。或升陽除溼湯。升舉脾胃。所謂下者舉之。溼寒之勝以風平之是也。大瀉氣脫而不知人。口眼俱閉。呼吸欲絕。急灸氣海穴。大進參附輩。溫補之。稍遲卽不可救。五更瀉。是腎虛失其閉藏之職也。經曰。腎司閉闔。腎開竅於二陰。可見腎不但治小便。而大便秘之開闔皆腎操權也。今腎既衰。則命門之火熄。而水獨治。故令人水瀉不止。其瀉每在五更。天將明時。必洞泄二三

次以腎旺於亥子。五更之時。故特甚也。惟八味丸以補其陰。則腎中之水火既濟。而開闔之權得宜。況命門之火旺。則能生土。而脾亦強矣。有用六味丸加沉香砂仁。以山藥末打糊代蜜爲丸。以攝火歸源而愈者。有用六味丸加遠志益智。兼調脾腎而愈者。有用六味丸七分。雜二神丸三分服之而愈者。有用五味子煎湯送四神丸者。有用二神丸加五味子山茱萸肉桂茴香。陳米飲糊爲丸服者。亦有屬酒積食積者。蓋一日進取之物。至此時皆下大府而急奔也。但食

積之瀉。其腹必脹滿。瀉後則頓減。瀉下皆是稀糞。酒
積瀉下。都是稀沫。或有兼血積者。與腎瀉之純清水
液。迥乎不同也。審係何積。卽以何積治之。
石頑曰。泄瀉諸治法頗詳。何獨不及虛損之泄瀉也。
蓋腎藏真陰。虛則火邪勝。火邪上升。必傷肺而爲欬。
逆。真陽虛。則水邪勝。水氣內溢。必漬脾而爲泄瀉。既
嗽且泄。上下俱病。先後天之氣竝傷。故虛損關捩全
係乎此。余嘗用理中丸。加五味子以治下泄。異功散
加細辛以治上欬。每每獲效。若服之作脹發熱者。終

難挽回。不可以其欬瀉俱緩。輕許其治也。

診○內經云。脈細。皮寒。氣少。泄利前後。飲食不入。是謂五虛。死。其漿粥入胃。泄注止。則虛者活。泄而脈大者難治。大便赤。澀。飧泄。脈小者。手足寒。難已。飧泄。脈小。手足溫者。易已。○脈經云。洩注。脈緩。時小。結者。生。浮大數者。死。又洞泄。食不化。脈微小。胃連者。生。緊急者。死。脈滑。按之虛者。必下利。腎脈小。甚。爲洞泄。脾脈小。爲泄瀉。○仲景云。下利。日十餘行。脈反實者。死。腹鳴而滿。四肢清。診其脈洪大者。死。腹大脹。四肢清。脫。

形泄甚。不及一時而死。下則泄瀉。上則吐痰。皆不已。爲上下俱脫死。

滑伯仁治一人。年老色蒼。夏月與人爭辨。冒雨勞役。受饑。且犯房事。夜半忽病。發熱惡寒。上吐下瀉。昏悶煩躁。頭身俱痛。因自發汗。汗遂不止。脈皆洪數。蓋吐瀉內虛。汗多表虛。兼之脈不爲汗衰。瀉減。法在不治。姑以大劑參耆。兼白朮。乾薑。甘草。茯苓。陳皮。水煎。不時服。至七劑。見面赤。四肢發出紅斑。凡斑證自吐瀉者。古謂邪從上下出也。但傷寒發

斑、胃熱所致。今之發斑，由胃虛而無根之火遊行於外，可補不可泄，可溫不可涼。若用化斑升麻黑參之類，則死生反掌矣。仍服前方十餘劑而愈。又治一人，每日早起大瀉，或時腹痛，或不痛，空心服熱藥不效。令至晚食前服，即效。以煖藥一夜，在腹可勝陰氣也。與酒客溼泄服湯藥不效，服丸散即効同意。

石頑治總戎陳孟康瀉利腹脹作痛，服黃芩白芍之類，脹愈甚。其脈洪盛，而數按之則濡，氣口大。

三倍於人迎此溼熱傷脾胃之氣也與厚朴生薑
甘草半夏人參湯二劑痛止脹減而瀉利未已與
乾薑黃芩黃連人參湯二劑瀉利止而飲食不思
與半夏瀉心湯二劑而安

痢

內經云。賊風虛邪者。陽受之。飲食不節。起居不時者。陰受之。陽受之。則入六府。陰受之。則入五藏。入六府。則身熱不時臥。上爲喘呼。入五藏。則臍滿閉塞。下爲飧泄。久爲腸澼。

賊風不云實邪。而言虛邪者。以邪之所湊。其氣必虛也。設陽氣充盛。雖有賊邪。莫能爲害也。起居不時者。非特勞役失宜。而飲食失節。亦在其中矣。陽受之。則入六府者。言六府之經氣受邪於外。則營

衛氣塞而身熱不時聞上爲喘呼者邪併於氣之
象也陰受之則入五藏者言五藏之神氣受傷於
內則水穀不能克運留於腸胃而腹滿飧泄也久
爲腸澼者言藏氣久滯不能統運津液乃至移於
二腸而爲澼積逼迫此則陰氣受傷所致也

腸澼便血身熱則死寒則生

腸澼爲腸胃受病不當更見表熱表熱則內外俱
困陽無所依故云熱則死寒則生耳

腸澼下白沫脈亢則生浮則死

腸澼下白沫。爲裏氣不守。反見脈浮。中宮無主。安得不死。

腸澼下膿血。脈懸絕則死。滑大者生。腸澼之屬。身不熱。脈不懸絕。滑大者生。弦濇者死。以藏期之。

懸絕弦濇。皆氣血殆盡之脈。故主死。滑大爲邪實。可攻之象。故主生。

脾脈外鼓沉。爲腸澼。久自己。肝脈小緩。爲腸澼。易治。脾脈外鼓沉。言氣口脈盛。而按之有力。雖久可治。肝脈小緩。謂人迎緩而不大。無客邪乘脾之候。故

易治

腎脈小搏沉爲腸澼下血。血溫身熱者死。心肝澼亦下血。二藏同病者可治。其脈小沉澼爲腸澼。其身熱者死。熱見七日死。

腎脈小搏沉而乏。陽和之氣。且見血溫身熱爲真陰下脫。故死。心肝澼亦下血。卽前外鼓沉及小緩之脈證。以脾爲心之子。心爲肝之子。故二藏同病者可治。若見脈小沉澼爲營血內竭。加以血溫身熱。不出七日必死也。

腎移熱於脾。傳爲虛。腸澼死。不可治。

土衰不能制水。先後天脾胃俱敗也。

陰陽虛。腸澼死。

陰虛則血濇發熱。陽虛則支冷不食。

泄而脫。血脈實。皆曰難治。

下脫而見脈實。脈證相反。純屬邪氣。用事。故爲難治。

仲景云。夫六府氣絕於外者。手足寒。上氣脚縮。五藏氣絕於內者。利不禁。下甚者。手足不仁。○下利脈沉。

弦者下重。脈大者爲未止。脈微弱數者爲欲自止。雖發熱不死。○下利手足厥冷無脈者灸之不溫。若脈不還反微喘者死。少陰負趺陽者爲順也。○下利有微熱而渴脈弱者令自愈。○下利脈數有微熱汗出令自愈。設脈緊爲未解。○下利脈數而渴者令自愈。設不差必清膿血以有熱故也。○下利脈反弦發熱身汗者自愈。○下利氣者當利其小便。○下利寸脈反浮數尺中自澀者必清膿血。○下利清穀不可攻其表汗出必脹滿。○下利脈沉而遲其人面少赤身

有微熱。下利清穀者。必鬱冒汗出而解。病人必微厥。所以然者。其面戴陽下虛故也。○下利後脈絕。手足厥冷。晬時脈還。手足溫者生。脈不還者死。○下利腹脹滿。身體疼痛者。先溫其裏。乃攻其表。已上金匱要畧○下利脈滑而數。有宿食。當下之。○下利不欲食者。有宿食。當下之。○下利而腹痛滿。爲寒實。當下之。○下利腹中堅者。當下之。○下利脈遲緊。爲痛未欲止。當溫之。得冷者。滿而使腸垢。○下利身軀疼痛。急救裏。諸溫之。處可與理中。四逆附子湯熱藥。急投之美。○下

利大孔痛者。當溫之。○下利脈大浮弦。下當已。○下利舌黃。燥而不渴。胃中實。下不止者死。○下利已瘥。至其年月日時復發者。此爲下不盡。更下之愈。風寒重者不可下。下之後。心下堅痛。脈遲。此爲寒。但當溫之。脈沉緊。下之亦然。脈大浮弦。下之當已。下利脈浮大。此爲虛。以強溫之故也。設脈浮革者。因爾腸鳴。當溫之。已上千金。○下利三部脈皆平。按之心下堅者。急下之。宜大承氣湯。○下利脈遲而滑者。實也。利未欲止。急下之。宜大承氣湯。○下利脈反滑者。當有所去。

下乃愈。宜大承氣湯。○下利譫語者。有燥屎也。小承氣湯主之。○下利便膿血者。桃花湯主之。○熱利下重者。白頭翁湯主之。○下利後更煩。按之心下濡者。爲虛煩也。梔子豉湯主之。○下利清穀。裏寒外熱。汗出而厥者。通脈四逆湯主之。○下利肺痛。紫參湯主之。○氣利。訶梨勒散主之。

保命集云。膿血相雜而脈浮大。慎不可以大黃下之。下之必死。謂氣下竭而陽無所附也。凡陰陽不和。惟當分利陰陽。經云。暴泄非陽。久泄非陰。大便完穀下。

有寒有熱。熱者脈疾。身多動。音聲響亮。暴注下迫。此陽也。寒者脈沉而細。身不動。作目睛不了了。飲食不下。鼻準息微者。黃附湯。若身重四肢不舉。朮附湯證也。

東垣云。飲食一傷。起居不時。損其胃氣。則上升清陽之氣。反下降而爲飧泄。久則太陰傳少陰而爲腸澼。寒冷之物傷於中。臍滿而脹。傳爲飧泄。宜溫熱以消導之。溼熱之物傷於中。而下膿血者。宜苦寒以疏利之。風邪下陷者。升舉之。溼氣內盛者。分利之。裏急者。

下之後重者調之。腹痛者和之。刺泄腸鳴。脈細微者。溫之收之。膿血稠粘。數至而閉。而不能使。脈洪大有力者。下之寒之。此治痢之大法也。

張介賓曰。腸澼一證。卽今之所謂痢疾也。其所下者。或赤或白。或膿或血。有痛者。有不痛者。或裏急後重者。有嘔惡脹滿者。有噤口不食者。有寒熱往來者。雖其變態多端。然總不外乎表裏寒熱。而於虛實之辨。尤爲切要。凡邪因表者。必有表證。但兼其表而行散之。表邪解則痢自愈。如無表證。則必由口腹。悉屬內

傷。但傷於內者極多。因於表者。則間或有之。此內外之不可不辨也。以寒熱言之。則古以赤者爲熱。白者爲寒。至劉和問而非之曰。如赤白相兼者。豈寒熱俱甚於腸胃而同爲痢乎。至丹溪則因之曰。赤痢乃是小腸來。白痢乃是大腸來。皆溼熱爲本。自二子之言出。則後世莫敢違之者。愚見則有不然。夫痢起夏秋。溼蒸熱鬱。本乎天也。因熱求涼。過吞生冷。由於人也。氣壯而傷於天者。鬱熱居多。氣弱而傷於人者。陰寒爲甚。須知寒者必虛。熱者必實。更以虛實細詳之。而

寒熱愈明矣。如頭疼身熱。筋骨痠痛者。實也。脹滿惡食。急痛拒按者。實也。煩渴引飲。喜冷畏熱者。熱也。脈強而實者。實也。脈數而滑者。熱也。外此則靡非虛寒矣。而相似之際。尤當審察。如以口渴爲實熱似矣。不知凡係瀉痢。必亡津液。液亡於下。則津涸於上。安得不渴。更當以喜熱喜冷分虛實也。以腹痛爲實熱似矣。不知痢出於內。腸胃必傷。膿血稠粘。安得不痛。更當以痛之緩急。按之可不藏之陰陽。腹之脹與不脹。脈之有力無力。分虛實也。以小便之黃赤短少爲實。

熱似矣。不知水從痢去。溲必不長。溲以陰亡。溺因色變。更當以使之熱與不熱。液之涸與不涸。色之澤與不澤。分虛實也。以裏急後重爲實。熱似矣。不知氣陷則倉廩不藏。陰亡則門戶不閉。更當以病之新久。質之強弱。脈之盛衰。分虛實也。至於治法。須求何邪所傷。何藏受病。如因於溼熱者。去其溼熱。因於積滯者。去其積滯。因於氣者。調之。因於血者。和之。新感而實者。可通因通用。久病而虛者。可塞因塞用。皆是常法。獨怪世之病痢者。十有九虛。而醫之治痢。百無一補。

氣本下陷而再行其氣。後重不益甚乎。中本虛寒而復攻其積。元氣不愈竭乎。溼熱傷血者。自宜調血。若過欲推蕩。血不轉傷乎。津亡作渴者。自宜止泄。若但與滲利。津不轉耗乎。世有庸工。專守痛無補法。且曰。直待痛止。方可補耳。不知因虛而痛者。愈攻則愈虛。愈痛矣。脈來微弱者可補。形色虛弱者可補。口脰素慎者可補。胸膈寬快者可補。病後而痢者可補。因攻而劇者可補。後重之可補者。陷則升而補之。熱則涼而補之。腹痛之可補者。滑泄則瀉而補之。虛寒則溫

而補之。然而尤有至要者。則在脾腎二藏。如瀉而後
痢。脾傳腎爲賊邪。難療。痢而後瀉。腎傳脾爲微邪。易
醫。是知腎爲胃關。開竅於二陰。未有久痢而腎不損
者。故治痢不知補腎。非其治也。凡四君子補中益氣
皆補脾虛。若病在火乘土位。侮母。設非桂附大補命
門。以復腎中之陽。以救脾家之母。則飲食何由而進。
門戶何由而固。真元何因而復耶。若畏熱不前。僅以
以參朮補土。多致不起。大可傷已。

喻嘉言曰。內經云。下利發熱者死。此論其常也。仲景

云。下利手足不逆冷。反發熱者不死。此論其暴也。蓋暴病有陽則生。無陽則死。故虛寒下利。手足不逆冷。反發熱者。或其人藏中真陽未漓。或得溫補藥後。真陽隨返。皆是美徵。此但可收拾其陽。協和其陰。若慮其發熱。反如常法。行清解之藥。鮮有不殺人者矣。○金匱中下利發汗之禁。謂下利清穀。不可攻表。汗出必脹滿。蓋以下利一傷其津液。發汗再傷其津液。津液去則胃氣空。而下出之濁氣。隨勢上入胃中。遂成脹滿。求其下利。且不可得。寧非大戒乎。○傷寒厥利。

發熱與下利發熱迥然不同。傷寒厥而且利爲虛寒之極。所以反能食者則死。反發熱者不死。若痢證則能食者不死。發熱者多死也。

周慎齋曰。凡生病處皆爲陰。爲火爲陽氣不到。若陽氣所到之處。斷無生病之理。痢疾不發於夏而發於秋者。蓋夏時陽氣盡發於表。太陰主裏。溼土用事。純陰無陽。或過食生冷。積而不化。積久成熱。痢之所由起也。不發於夏者。無陽則陰不運。發於秋者。陽氣入裏。攻之使然也。治法宜以苦寒之藥。燥溼滌熱。佐以

辛熱助陽。開鬱達氣。故曰。行血則便紅自愈。調氣則
後重自除。雖然。亦有虛實之辨。淺深之別。未可以槩
治也。○心者血之主也。肺者氣之主也。凝滯則傷氣。
鬱熱則傷血。氣既病。則心肺亦病矣。而小腸者心之
合也。大腸者肺之合也。二經皆出納水穀。轉輸糟粕
之官也。而胃又爲大小腸之總司。肺移病於大腸。則
氣凝滯而成白痢。心移病於小腸。則血凝滯而成赤
痢。大小俱病。則赤白互下。胃土傳溼熱於大小腸者。
痢色兼黃。如胃中先傷冷物。以致胃寒不能遊溢精

氣上輸於脾。脾卽不能散精。以上歸於肺。則津液留滯於胃。卽爲胃家之積。其證嘔逆惡心。其狀色如桃膠而不臭。右關脈沉細而緊。宜用厚朴、木香、乾薑、肉桂、吳茱萸等。虛人可用附子理中湯。非大小腸積之可比也。至於色之黑者。分爲二種。如焦黑之黑者。此熱極反兼勝已之化也。黃芩芍藥湯下。香連丸如漆黑之光者。此瘀血凝久而然也。桃核承氣湯。○丹溪謂仲景可下者。悉以承氣下之。大黃之寒。其性善走。佐以厚朴之溫。善行滯氣。緩以甘草之甘。飲以湯液。

蕩滌腸胃。滋潤輕快。積行則止。局方例用熱藥爲主。瀉藥爲臣。用之於下利清白者。猶可。其裏急後重者。皆屬於火。又加以溫熱之藥。非殺而何。大凡熱利。仲景雖有用大承氣者。然皆指傷寒熱邪傳裏致病。非滯下之謂。蓋大黃專攻溼熱。在所必需。芒硝專攻燥結。滯下總有裏急後重。其積滯已是下注。故無復用芒硝之理。若係寒積。又須薑桂吳萸以溫之。以寒積多屬於虛也。至於通因通用。原有兩法。有酒蒸大黃。有蠟丸巴豆。分析甚明。况滯下多因寒滯鬱熱而成。

世俗恆用薑茶煎赤倍芽茶白倍生薑。往往獲効。豈可偏執爲熱哉。○積有新舊之分。舊積者。氣血食痰所化也。新積者。舊積已去。未幾而復生也。然舊積宜下。新積禁下。其故何也。蓋腸胃之無腐水穀。轉輸糟粕者。皆營衛灑陳於六府之功。今腸胃有邪。則營衛運行之度。爲之阻滯。不能施化。故衛氣鬱而不舒。營血滯而不行。於是飲食結痰。停於胃。糟粕留於腸。與氣鬱血滯之積。相挾而厥滯下矣。必當下之以通其壅塞。旣下之後。升降仍不行。清濁仍不分。則衛氣復

鬱營血復滯。又成新積。烏可復下乎。但理衛氣。和營血。以調順陰陽。則升降合節。積亦不滯而自化矣。然舊積亦有不可下者。或先因脾胃之虛。不能轉輸其食積。必當調補脾胃。兼行氣之藥。俾虛回而利自止。世俗治痢。只守清熱破氣。攻積涼血利水等法。雖朝夕更醫。出入增減。不過如此。已瀕於危。猶曰血色依然。腹痛未減。誰敢溫補。死無後悔。傷哉。○痢初起時。便見膿血者。宜調氣和血。氣分藥必不可少。若但見白膿。宜調氣消積。不可用血藥。引邪入於血分。必變。

膿血也。○白痢初起。裏急後重。頻欲登圜。及去而所
下無多。纔起而腹中復急。皆溼熱凝滯所致。胃苓湯
加木香砂仁。○血痢初起。腹痛逆迫。或脈數大。身有
微熱者。先與小建中湯和之。中有肉桂。伐肝和營最
抗。膿血稠粘。勢甚不可遏者。黃芩芍藥延胡索木香
砂仁。腹痛少加肉桂以和之。血積稠厚。可用黃連。若
畧見少血。或稀淡者。不可使用苦寒。戕犯胃氣爲害
不淺也。○凡血色紫黯。屢服涼藥。而所下愈多。作冷
痢治。故血色如猪肝。如紫草。如莧菜汁者。非炮薑不

治理中湯去參。加肉桂、木香、肉果、烏梅。○純下血而面色鮮濃厚者。此心脾伏熱也。大黃連瀉心湯有食積。枳朮丸。加厚朴、黃連、木香、延胡索。赤痢初起。宜加延胡。最散血積。小兒八歲已內者。作食積治。○風入腸胃。純下清血。或溼毒下血。胃風湯加枳殼、荊防。○風入風入腸胃。下利青綠雜色。神朮湯。○下利腹痛異常。脈沉而緊。無熱證者。先以葛桂之類溫之。後理積滯。○裏急而致圉反不能卽出者。氣滯也。疏通爲主。重則小承氣。輕則黃芩芍藥湯。○裏急而頻見污衣者。

氣脫也。補中益氣去當歸加木香。○溼熱下利後重。升陽除溼湯。○虛滑而後重者。固後不減。以得解。愈虛故也。養藏湯。○白痢初起。但腹痛後重不能食。小便却清利者。爲虛寒。二陳湯加炮薑焦朮厚朴木香砂仁。能滌除痰積。宜加用之。○後重本因邪壓大腸。墜下。是以用大黃檳榔輩。此實也。若久痢後重不除。此脾氣下陷之故。宜升柴以升提之。檳榔枳殼皆當禁用。若肺氣鬱在大腸。腹痛後墜。理氣藥中須加桔梗以開之。亦有積已去。而過食厚味生冷復重者。健

脾兼消導爲主。○痢如膠凍或如鼻泥或如魚腦此爲冷痢。先用木香焦朮豆蔻砂仁厚朴次用理中湯加木香不應更加訶子罌殼。○下利脈遲緊腹痛未欲止當溫消之。枳實理中湯。○下利清白手足厥冷腹痛不已。附子理中湯。○積久冷痢少腹痠痛結滯不爽及下久連年不止。千金溫脾湯。冷利去甘草加桂心倍香附人參熱利去桂心加大黃一錢薑附人參各減一錢。○久痢不瘥雖所下漸減而津血枯槁肛門澹滯者千金羊脂煎潤以導之。羊脂本經專主

下利脫肛。腹中絞痛。而世罕知用。惜哉。暴下積。日久不止。千金附子湯。久痢虛冷滑脫。脈細皮寒。少氣畏食。不能言。或時發虛熱者。附子理中湯。加肉桂。肉果訶子。下痢臍下攪痛。桃花丸。下痢久脫。虛冷白滯。大桃花湯。熱痢二三年不止者。厚朴湯。久痢所食之物皆不化。四肢沉重。肌肉消盡。椒艾丸。下痢發熱。自汗脈弦者。是伏邪所發。法當從表解散。倉廩湯。湯有一方。畏切相染者。謂之時疫痢。亦宜倉廩湯。一種陰虛痢疾。切戒攻積之藥。凡見痢下五色膿血。

稠粘滑泄無度發熱煩渴臍下急痛至夜轉劇而惡食或下鮮血者便屬陰虛急宜救熱存陰爲主如駐車丸阿膠丸歸連丸阿膠梅連丸千金黃連湯黃連阿膠湯白頭翁加甘草阿膠湯等方選用。下痢至夜發熱煩渴引飲爲津液受傷內水虧竭燎原之火自焚不得不引外水以濟急切不可用香燥之藥錢氏白朮散加烏梅。下利失氣者當利小便陰氣前通則陽氣自化矣五苓散加木香利仍不止以訶子厚朴橘皮等分丸服。下利大孔痛宜溫之黃薤建

中加木香、當歸。利後大便秘澀，裏急後重，數至圊而不能便，或少有白膿，此爲氣虛下陷，慎勿利之。但舉其陽，則陰自降矣。補中益氣湯加防風。下痢後裏急後重不除，風邪傷衛，衛氣不行也。非三奇散不愈。○蠱注毒痢，血如雞肝，心煩腹痛者，茜根丸。虛人理中湯加黃連、烏梅，不應，用烏梅丸。○下痢後遍身浮腫，五苓散。用生朮、肉桂加升柴。○痢後虛浮，六君子加木香、肉桂。○初痢膿血稠粘，勢甚宜下者，一味大黃酒蒸爲丸。赤多用溫酒下百丸，白多用淡薑湯。

下七十丸以奪其勢。然後調理則易愈。○冷熱不調。下利赤白。兼冷食食積者。連理湯加枳實砂仁。○下利乾嘔者。胃虛而寒熱錯雜也。外臺黃芩湯。○先前白痢後變膿血者。戊己丸。先前白痢後變鮮血者。四物湯去地黃加炮薑炙甘草木香。先前膿血後變赤白青黑。腹痛倍常者。驻车丸。先前膿血後變白沫白膿者。補中益氣加炮薑赤石脂。○下利日百度。精神委頓。反不痛者。此邪氣勝正氣微。不能鼓激也。難治。○有患痢晝夜不及數度。而反發熱。心下痞悶。不能

食而嘔。其有晝夜不止百度。反脈靜身涼而能食。何也。曰。痢之邪客於下焦。由橫連竟傳大腸。原無反熱之理。以中焦無病。雖下利無度。不礙飲食。惟邪發於中焦。由橫連入胃。以胃受病。自不欲食也。○凡風寒傷於營衛之中。則爲癰。飲食傷於腸胃之內。則爲痢。而世有癰後痢。痢後癰者。此則表氣不固。邪氣內犯而致也。若癰邪發泄已盡。必無復爲痢疾。皆由元氣下陷。脾氣不能升舉。故風寒暑溼。得以襲入而爲痢耳。又有痢後似癰非癰。乃陰陽兩虛。陽虛則惡寒。陰

虛則發熱。故寒熱交戰似瘧也。又有瘧痢齊發。瘧止而痢甚者。皆是脾胃之氣虛陷所致。竝宜先與黃耆建中加木香厚朴之類。次與補中益氣加薑桂。若服後痢減而瘧作。此陽氣得補而與陰爭也。再與補中益氣少加桂附。助陽祛陰則愈。○凡久痢年高與產後病後。諸瘧痢及瀉後作痢。慎不可用攻伐之劑。急宜醒脾榮土。補中益氣加炮薑木香有血加烏梅芍藥。○下利六七日。經盡。當有結裏。若至十三日再經。結裏不出者。此胃氣告匱也。慎不可更與攻剋之劑。

惟培養正氣。庶有生機。○下利以胃氣爲本。胃失生
長。故惡物而不欲食。但得思食。無分何物。與之遂獲
愈者。此胃氣勝故也。○凡痢下如魚腦。或如猪肝。皆
半死半生。下如塵腐色。大孔開如竹筒不收者。或如
屋漏水。或純下鮮血。及如赤豆汁。脣如硃紅者。皆不
可治。

石頑曰。腸澼之證。內經原有下血。下白沫。下膿血之
異。推詳脈證。大抵以白沫屬寒。其脈應沉。膿血屬熱。
脈應滑大。若見白沫而脈反浮。見膿血而脈反弦澹。

懸絕。爲脈不應病。以皆主死。其扼要尤在身熱則死。寒則生。爲大關捩。以腸胃受病。不當更見表熱。表熱則外內俱困。將何所恃。而與攻救邪。更詳藏府諸病。咸以脈沉小爲可治。血溫身熱主死。內經大義如此。再推仲景論利。以身熱手足溫爲陽回可治。厥逆不返爲陽絕主死。此蓋指傷寒陰證而言。不可與夏秋腸瀉並列而論也。然下痢豈無身熱得生者。凡挾邪之痢。與時行疫痢。皆有身熱。但當先撤表邪。自然身涼痢止。當知內經所言血溫身熱。乃陰虛之本證。此

則兼并客邪耳。及觀先輩論痢。並以白沫。隸之虛寒。膿血。隸之溼熱。至守真乃有赤白相兼者。豈寒熱俱甚於腸胃。而同爲痢之說。丹溪從而和之。遂有赤痢從小腸來。白痢從大腸來。皆溼熱爲患。此論一出。後世咸爲痢皆屬熱。恣用苦寒攻之。蒙害至今未已。卽東垣之聖於脾胃者。猶言溼熱之物。傷於中而下膿血。宜苦寒以疏利之。膿血稠粘。數至固而不能便。脈洪大有力者。下之。亦認定膿血爲熱。矧知血色鮮紫濃厚者。信乎屬熱。若瘀晦稀淡。或如瑪瑙色者。爲陽

虛不能制陰而下。非溫理其氣。則血不清。理氣如釐
治分金。最爲捷法。設不知此。槩行疏利之法。使五液
盡隨寒降而下。安望其有寧止之日哉。嘗見屢服黃
連。虛陽迫外。而反發熱發斑者。亦有虛陽內擾。忽發
除中。反驟能食者。有頻用大黃。開腸洞泄。甚至發呃
吐衄者。有大黃下嚔。反脹閉不通。陰氣上逆。而變中
滿鼓脹水腫者。凡此之類。未遑枚舉。夫天氣之熱。四
時之正令也。因熱而恣傷冰水瓜果。是逆其正氣。府
藏爲寒物所傷。而爲患也。以逆正氣之病。又以逆病

情之藥治之。何怪變證百出乎。雖是歲之熱較他歲倍常。是以患腸澼者較他歲亦倍常。其間總輕重不同。所見之積一皆五色。良由五藏之氣化并傷。是以五色兼見。按五色痢。古人皆爲腎病。以腎爲藏精之室。所居之位最下。最深。深者既病。其淺而上者安有不病之理。精室既傷。安能任蟄藏之令乎。仲景所謂五液注下。臍築揪痛。命將難全者是也。夫以精室受傷。五液不守之患。不知益火消陰。實脾隄水。兼分理其氣。使失於氣化之積隨之而下。未失氣化之律。統之。

而安。卽口噤不食者。亦不出乎此法。蓋腸澼之屬。皆緣傳化失職。津液受傷。而致奔迫無度。豈可恣行攻伐。以爲不易之定法乎。歷觀時師治痢。無高下賢愚。必用橘皮枳殼厚朴檳榔之屬。稍有赤沫。卽用芩連芍藥。水道不利。便與木通車前。口噤不食。不出黃連石蓮。況世所謂石蓮者。皆粵中草實僞充。大苦大寒。與本草所言蓮子墮淤泥中。經歲取出者迥異也。凡遇五色噤口。及癰胸滿血諸痢。每用甘草。乾薑。專理脾胃。肉桂。茯苓。專伐腎邪。其効如鼓應桴。初起腹痛。

後重者。則兼木香。檳朴以泄之。飲食艱進者。則兼枳實。焦朮以運之。陰氣上逆。乾嘔不食者。則兼丁香。吳茱萸以溫之。嘔吐涎水者。則兼橘半。生薑以豁之。膿血稠粘者。則兼茜根。烏梅以理之。水道不通者。則兼升柴以舉之。身熱不除者。則兼桂枝。芍藥。薑棗以和之。陰虛至夜發熱。痛劇者。則兼熟地。黃耆。阿膠。歸芍以濟之。若數日不止。而腹痛後重轉甚者。必須參朮升柴兼補而升之。久痢噤口不食。此胃氣告匱。最爲危候。較之初起日嘔。黃白濁氣可破。積沫可驅。迺乎

不同。非大劑參朮。佐以茯苓甘草。藿香木香。煨葛根之屬。大補胃氣。兼行津液。不能開之。但得胃氣一轉。飲食稍進。便宜獨參湯。畧加橘皮。或製香附。緩緩調補。兼疏滯氣。最爲合劑。如茯苓之淡滲。木香之耗氣。葛根之行津。皆當辟除。卽如久痢後重。用三奇散。取黃耆防風。以致開闔。枳殼以破滯氣。以爲卓識。不尋。然後重稍減。便當改川補中益氣。轉關妙用。全在乎此。若厚朴枳橘砂仁等耗氣之藥。皆戈戟也。凡脈見弦細小弱。或六部沉小。皆當準此。間有脈來滑大數。

實者。方可用芩連芍藥澤瀉之屬。挾熱後重煩渴者。當與白頭翁秦皮黃連白芍之類。誤用大黃。變成腫脹。若其人元氣未憊。大劑人參桂附散其濁陰。尚可救其一二。洞泄不止。服大劑參朮不應。服養藏湯亦不應。惟附子理中湯調赤石脂末。間有得生者。卽發呃吐。或尚有四逆參附。吳茱萸湯。乾薑黃芩黃連人參湯。烏梅丸等法。然非平日相信之真。縱有生機。亦勿許治。若至發斑發躁。久痢不食。忽發除中。從無救治之法也。嘗見痢久虛脫。六脈弦細。厥逆自汗。煩渴。

躁擾呃逆不寧。峻用理中四逆。白通通脈之類。雖日
進人參二三兩。服之非不暫安。脈來微續。手足漸溫。
稀糜稍進。去後亦稀。三四日後。必然驟變。此根氣已
絕。燈盡復明之兆。切勿因其暫安。輕許以治。徒爲識
者鄙笑耳。至於婦人臨產下痢。最爲危殆。鄭氏有胎
前下痢。產後不止。七日必死之例。予嘗用甘草乾薑
湯。加厚朴。茯苓。木香。治妊娠白痢。千金三物膠艾湯。
治妊娠血痢。連理湯。加膠艾。治赤白相兼之痢。驻车
丸。千金黃連湯。白頭翁加甘草。阿膠湯。胎前產後五

色諸痢皆可選用。若胎前下痢產後不止。勢莫挽回者。用伏龍肝湯丸。隨證加減。未嘗不隨手獲効也。世醫治痢。專守通用。通用。痛無補法之例。不知因氣病而腸中切痛。非溫理其氣。則痛不止。因氣陷而濁氣下墜。非升舉其氣。則後重不除。因氣傷而津液崩脫。非非調補其氣。則積不已。因陰虛而至夜微熱腹痛。非峻補其陰。則痢痛不息。世人見余用參朮薑桂溫補氣血之藥。以爲可駭。更有用黃耆地黃滋陰膩滯之藥。益怪甚矣。且有用石脂乾薑溫瀉固脫之藥。以爲

劫劑而大誹之。不知內經中原有瀉因瀉用之法。蓋裏急後重。數至圊而不能便。非瀉而何。況口瀉而過用利氣。乃致滑脫不收。安得不用瀉以固之耶。更有不知調氣。但見下痢日久。便行止瀉。輕以粟殼訶子投之。閉其滯氣。迫痛愈加。愈瀉愈甚。此與殺之無異也。

痢不納食。俗名噤口。如因邪留胃中。胃氣伏而不宣。脾氣因而滯滯者。香連枳朴。橘紅茯苓之屬。熱毒衝心。頭疼心煩。嘔而不食。手足溫煖者。甘草瀉心湯去

大聚易生。蓋此證胃口有熱。不可用溫藥。若陽氣不足。宿食未消。噫而不食。枳實理中。加砂仁、陳皮、木香、豆蔻。或山查、麴蘖之類。○肝乘脾者。戊己丸。加木香、肉桂。○有水飲停聚者。心下必悸動不寧。五苓散加薑汁。○有火炎氣衝者。黃連解毒湯。去黃蘗。加枳殼、木香。○有胃虛挾熱而嘔逆者。黃芩湯。○有積穢太多。惡氣薰蒸者。大黃黃連湯。○湯加木香。○丹溪用人參、川連、石蓮子、粳米、薑汁。煎湯。龍細呷之。神效。如吐。再作服之。但得一呷下。呷便開。石蓮子真者絕無。

余常以藕汁煮熟稍加糖霜頻服。兼進多年陳米稀糜。調其胃氣必効。此卽石蓮之意也。○治噤口痢多有用黃連者。此正治溼熱之藥。苦而且降。不能開提。況非胃虛所宜。不可輕用。大抵初痢噤口爲溼瘀胃。故宜苦燥治之。若久痢口噤。則胃氣虛敗。卽大劑獨參理中。恐難爲力也。○久痢不止。諸藥不應。貧人無力服參者。烏梅大棗各數枚煎服。屢効。休息痢。○此證多因塊滯太早。積熱未盡。加以調攝失宜。不能節食戒慾。所以時止時作。補中益氣加肉。

果木香。吞駐車丸。亦有陰虛多火。不能勝任。升柴木。
香白朮者。只用駐車丸。加入參肉桂烏梅之類。有積。
可加枳實炮黑查肉。有服補中益氣數服不應。反下。
鮮紫血塊者。此久風成殮泄。風氣通於肝。肝傷不能。
藏血也。三奇湯倍防風加羌葛升柴。其一切利水破。
氣藥。皆爲切禁。

蟯蟲痢。○其證腹大。皮膚黃粗。循循戚戚然。得之於。
寒澤。寒澤之氣。凝驚不發。化爲蟲。此九蟲之一。其形。
極細。胃弱腸虛。則蟯蟲乘之。或癢。或從穀道中溢出。

倉公以茺花一撮主之。烏梅丸、黃連犀角散亦主之。然蟲盡之後，卽用六君子加犀角、黃連、烏梅肉丸服，以補脾胃，兼清溼熱，庶不再發。若一味攻蟲，愈攻愈盛，漫無止期也。

痢後風。○因痢後不善調攝，或多行，或房勞，或感風寒，或受溼氣，致兩脚痿軟腫痛，用大防風湯。○痢後變成痛風，皆調攝失宜所致，補中益氣加羌活、續斷、虎骨。

痢後呃噦。○此乃胃氣虛寒之極，最爲惡候，急宜橘

皮乾薑湯主之。○下痢而渴誤食冷物水果而噤者理中湯加丁香十五粒柿蒂五枚水煎熱服兼寒熱往來者小柴胡加丁香血痢嘔噦而渴心煩不得眠小便不通者猪苓湯白痢嘔噦用五苓散以中有肉桂可適逆氣也。

診○下痢白沫初起脈小滑能食者易治洪大急疾四肢厥冷者難治久痢脈微弱小細者卽愈數實或虛大無根者危下痢膿血初起脈小滑或弦軟身不熱者易治數實滑大而身熱者勢難甚猶或可治若

先不熱五六日後反發熱脈大者必死久則脈宜芤
遲虛細不宜數盛滑實或身熱不止口噤不食者皆
死久痢脈結代反聚能食爲除中者必死大抵下利
之脈初起雖實大不妨六七日後最忌強盛凡下利
脈浮身熱作風治脈沉身重作溼治下利爲腸胃病
雖頻進而能食則吉若噤口痢初起脈數實可治久
痢而反不能食脈見有餘者死惟小弱流利者當作
胃虛治之

海藏治楊師屢大醉後渴飲冷水冰茶後病大便秘

鮮血甚多。先以吳茱萸溫藥。次與胃苓湯。血止後。白痢。又與溫下藥四服乃止。或曰。何不用黃連之類以解毒。反用溫熱之劑。曰。血爲寒所凝。漬入腸間而便下。得溫乃行。若用寒涼。卽變證難療矣。汪石山治一婦。病痢半載餘。服四物香連愈劇。腹痛後重。欬嗽煩熱。脈皆細弱而數。以補中益氣去歸。加茯苓芍藥爲散。日用米飲調下。三次而安。吳茱萸山治一婦。長夏患痢。痛迫下黃黑。曾服香薷枳殼黃連愈劇。其脈兩尺緊瀼。此寒傷血也。問其

由。乃行經時渴飲冷水一碗。遂得此證。與桃仁承
氣加延胡索一服。次早下黑血升許。痛止。次用調
肝活血之劑而痊。此蓋經凝作痢。不可不察也。
李士材治屯田孫侍御夫人。久痢不止。口乾發熱。
飲食不進。猶服香連等藥。完穀不化。尚謂邪熱不
殺穀。欲進芩連。數日不食。熱甚危迫。診之脈大而
數。按之極微。詢之小便仍利。腹痛而喜手按。此火
衰不能生土。內真寒而外假熱也。小便利則無熱。
可知。腹喜按則虛寒立辨。急進附子理中湯。待冷

與服一劑而痛止。連進二十餘劑。兼進八味丸而康。

石頑治春榜項鳴先尊堂。下痢血色如莧汁。服消
剋苦寒。卒連大黃之類。愈甚。不時發熱。痞悶。六脈
皆虛大。右關獨顯弦象。然按之則芤。此氣虛不
能統血之候。與補中益氣。加炮薑肉桂。四劑而安。
又治郭然明之室。患五色痢。晝夜數十次。兼帶下
如崩。誤服大黃黃連之屬。十餘劑。遂隔塞不通。口
噤不食者半月餘。至夜必大發熱。躁渴。六脈弦細。

而疾此足三陰俱虛之候與理中加桂苓木香烏梅以調其胃。遂與加減八味作湯導其陰火而痊。刑部郎中中晏亦高年久痢色如莧汁服苓連芍藥之類二十餘劑漸加呃逆乃甥王勤中邀石頑往診六脈弦細如絲惟急進辛溫峻補庶合病情遂疏理中加丁香肉桂方諸醫咸謂血痢無用薑桂人參之理遲疑不敢服仍啖苓連芍藥遷延五日病愈甚而驟然索粥舉家及諸醫皆以能食爲慶復邀石頑相商而脈至如循刀及此中氣告竭

求救於食。除中證也。世人但知下痢能食爲向愈。曷知其有除中之例乎。因表出以爲後學之鑑。褚某水尊堂。深秋久痢。口噤不食者半月餘。但飲開水及瓜瓠汁。嘔後必嘔。腹腸鳴絞痛不已。煩渴悶亂。至夜轉劇。所下皆膿血。晝夜百餘次。小便涓滴不通。諸醫束手告辭。始邀石頑切其六脈皆弦細乏力。驗其積沫皆瘀淡色。脈詢其所服皆苓連檳朴之類。因謂之曰。所見諸證俱逆。幸久痢脈寂。尚宜溫補。姑勸一方。用理中加桂苓紫苑調之。服

後小便卽通。便得稍寐。三四日間糜粥漸進。痢亦漸減。更與理中倍參。伏龍肝湯。泛丸。調理而痊。又治同川春榜陳穎。觸熱錦旋。抵家卽患河魚腹疾。半月已來。攻剋不効。遂噤口。粒米不入。且因都門久食煤火。肩背發癰。不赤不疼。陷伏不起。發呃神昏。勢日瀕危。內外醫科互相推委。因命楫相邀石頑。就榻診之。六脈絃細欲絕。面有戴陽之色。所下之物。瘀晦如爛魚腸。臍證雖危。幸脈無旺氣。氣無喘促。體無躁擾。可進溫補。但得補而癰腫

厥發便可無虞。遂疏保元湯。每服人參三錢。生黃
耆二錢。甘草肉桂各一錢。伏龍肝湯代水煎服。一
啜而稀糜稍進。再啜而後重稍輕。三啜而癰毒黃
起。另延瘍醫敷治其外。確守前方。服十餘服而安。
前後未嘗更易一味也。

一大兵船上婦。胎前下痢。產後三日不止。惡露不
行。發熱喘脹。法在不救。有同道誤許可治。與藥一
服。次早反加呃逆。計無所施。乃同兵丁托言貨船。
拉石頑往診。其脈三至一代。直以難治辭之。彼則

留住前醫。不使上涯。方知其意。原欲巧銀。恐余不往。故不明言其故。當此急迫之際。不與解圍。必致大傷體面。因謂之曰。此證雖危。尚有一線生機。必從常計議。庶可圖治。彼聞是言。始放其醫抵家。而求藥於余。遂與盡一枚。錢數文。令買砂糖。熬枯。白湯調服。既可治痢。又能下痰。且不傷犯元氣。急與服之。彼欣然而去。其醫得脫。閉戶挈家而遁。直至數日。大兵去。後寧家。卽遇我而謝曰。若非金蟬脫殼。不免爲螳臂所執也。

飛疇治朱元臣子患五色痢二十餘日胸膈脹滿而粥飲不進服藥罔效別延兩醫診視一用大黃一用人參元臣不能自主因執治於予予曰用大黃者因其脹滿脈大也用人參者因其痢久不食也痢久不食大黃斷斷難施膈滿作脹人參亦難遽投今擬伏龍肝爲君專溫土藏用以濃煎代水煎焦朮茯苓甘草廣藿木香炒烏梅一劑痢減食進再劑而止遂不藥調理而起

大小便不通

經曰。脈盛皮熱。腹脹前後不通。脅悶。此謂五實。夫脾胃氣滯。不能轉輸。加以痰飲食積。阻礙清道。大小便秘。澀不快。二陳湯加升柴二朮。數服能令大便潤而小便長。○溼熱痰火結滯。脈洪盛。大小便秘。赤肢節煩疼。涼膈散。小承氣湯選用。○陰囊腫脹。二便不通。三白散。○大小便俱不通。小腹膨脹。乃膀胱溺滿。支撐迴腸。故并大便不得出。用二陳倍茯苓澤瀉木通。先利小便。迴腸得通。而大便隨出矣。○風閉用燒皂

角灰爲末。粥清調下。或燒湯蒸下部良。○冷閉用連
根葱一二莖。帶土生薑一塊。淡豆豉二十一粒。鹽二
匙。同研爛作餅。烘熱拊臍中。以帛紮定。良久於餅上
灸之。○熱閉用田螺搗爛。加麝香一分。冰片半分。入
臍中。以帛束之。如人行十里卽通。

石頑曰。肥人素多痰飲。溼熱結聚。因病每致大小便
不通。腹滿不食。氣逆喘急。勢盛不得不下。有屢下不
得通利者。有再三下而始通者。有下之遂利不止者。
大抵溼熱素盛之人。大便不行。日數雖多。結糞甚少。

所下不過清糞。析賦甚至驟下不可過者。多有熱去
寒起。正氣隨脫。卽變呃逆之證。以此木屬溼熱。溫補
仍助本病。苦寒徒乏。胃氣每至不可救藥。若始先知
其溼熱痰積。用導痰湯多加薑汁竹瀝。下滾痰丸甚
則下控涎丹。方爲合法。若遲則溼熱上湧。勢劇胃中
津液盡變濁穢。雖有合劑不能取効也。凡大便不通
而腹中雷鳴者。下之必無結糞。蓋肥人下後多有脫
泄不止之虞。瘦人汗後有多乾熱不止之患。不可不
知。

丹溪治一老人。因內傷。挾外感。自誤發汗。脈浮數。年高誤汗。必有虛證。乃與參朮歸朮甘草陳皮等。自言從病。不曾更衣。今虛逆痛不堪。欲用利藥。朱謂非實秘氣。因誤汗而虛。不得充腹。無力可努。仍用前藥。間與肉汁及項陽粥。濃煎葱椒湯。浸下體。下軟塊五六枚。脈大未斂。血氣未復。又與前藥。二日小便不通。小腹滿悶。煩苦。仰臥則點滴而出。朱曰。補藥未至。倍參朮服。二日小便利。逾月而愈。又治一婦人。脾疼。後患大小便不通。此是痰隔中。

腕氣聚上焦。二陳加木通。切服。探吐。再服而愈。
汪石山治一婦。因憂懼勞倦。小腹痛。大小便秘。
結不通。醫以硝黃三下之。隨用隨秘。友增胸腹胃
腕脹痛。自汗食少。汪診之。脈皆滿細。而數。曰。此勞
倦憂懼傷脾也。蓋脾失健運之職。使氣滯不行。前
藥但利血而不能利氣。遂用人參一錢。歸身錢半。
陳皮枳殼黃芩各七分。煎服而愈。
喻嘉言治一人大小便俱不通。因新秋痢瘧三五
發後。用藥截住。遂覺胸腹間脹滿。日增不旬日外。

腹大胸高上氣喘急二便全無食飲不入能坐不能卧能俛不能仰屢服下藥不應商用大黃二兩作一劑喻曰此名何病而敢放膽殺人耶醫曰傷寒腸結下而不通惟有大下一法何謂放膽曰世間有不發熱之傷寒乎傷寒發熱津液枯槁腸胃乾結故用下藥以開其結然有不轉失氣者不可攻之戒正恐誤治太陰之腹脹也此因腹中之氣散亂不收津水隨氣橫決四溢而作脹全是太陰脾氣不能統攝所致一散一結相去天淵再用大

黃猛劑大散其氣。若不脹死。定然腹破。遂以理中湯少加黃連。疾勢畧減。次日用五苓散。本方藥纔入喉。病者卽索穢桶。小便先去。大便隨之。腹中原是大黃推蕩之泄糞。其所以不出者。以膀胱脹大。腹內難容。將大腸撐緊。無隙可出耳。

石頑治楊松齡。夏月感冒。曾服發散藥十餘劑。大小便俱閉。濇不通。更一醫用硝黃下之。少腹左畔遂脹起如墩。不赤不熱。有時唧唧作聲。復延瘍醫以敷藥治其外。以解毒利水藥治其內。藥未進而

躁擾不寧。因延石顏診之。六脈緊細而駛。此過汗
津液大傷。又與苦寒攻裏。致陰邪內結。膀胱不化。
溺積不通。法在不救。幸胃氣有餘。形神未槁。尚能
稍進糜飲。姑許以治。因與濟生腎氣大劑煎成。入
有嘴壺。託起其項。徐徐仰灌。升前項。令轉側。以鷺
翎探吐。卽時洩便如注。少腹頓平。更與十全大補
調理而安。此證前後患者四五人。或小便淋瀝。或
遺溺不止。或形羸氣脫。皆立辭不治。

大便不通

經曰。北方黑色。入通於腎。開竅於二陰。可知大便閉結專責之少

陰證狀雖殊總由津液枯竭也。腎苦燥。急食辛以潤之。當歸肉蓯蓉之類。

腎主五液。津液盛則大便如常。憂過度。精血耗竭。

多致秘結。或饑飽勞役。損傷胃氣。或辛熱厚味。漸漬。

助火。伏於血中。耗散真陰。津液漸少。致令大便結燥。

高年血不充。每患是疾。故古人在胃實脾虛。風秘氣。

秘痰秘。冷秘熱秘。虛秘實秘之分。臨證所當細察詳。

問也。胃實而秘。善飲食。小便赤。瀉麻仁丸。脾虛。

不能運化。倦怠。懶於言動。補中益氣。倍升。柴當歸煎。
成調生蜜麻油。清氣一升。濁氣自降。有脾虛下秘者。
以此湯下麻仁丸。○風秘者。風入大腸。傳化失職。羌
防蘇子。枳殼麻仁杏仁皂角灰煎服。潤腸丸。○氣秘
者。氣不升降。穀氣不升。其人多噫。枳殼沉香蘇子櫟
榔烏藥陳皮煎服。降氣散。或四磨六磨選用。○痰秘
者。痰飲溼熱阻礙。氣不升降。頭汗喘滿。胸脇痞悶。眩
暈腹鳴。半夏茯苓木香檳榔枳實橘紅香附白芥子。
薑汁竹瀝。不應加大黃黃連。甚則控涎丹下之。○冷

秘者六脈沉遲而白或黑凝陰固結胃氣閉塞腸內
氣攻腹中喜熱惡冷藿香厚朴薑桂枳殼陳皮生薑
煎服半硫丸熱藥多秘惟硫黃性緩而通冷藥多泄
惟黃連厚腸止泄如陰寒秘結當與陽藥冰冷服之
然數服中間與清潤藥一服不令結秘若病本虛寒
標顯躁熱亦宜助陽藥中少加苦寒以去熱躁躁止
勿加○熱秘者六脈數實面赤口乾身熱腸胃脹悶
時欲得冷或口舌生瘡二腸熱結蘇子黃芩生地芍
藥杏仁枳殼煎服潤腸丸或四順清涼飲○虛秘者

不能飲食小便清白或年高或病久或脾虛津枯血少歸身熱地從蓉參耆沉香松子仁桃仁麻仁蜂蜜或麻仁枳殼當歸人參蜜丸服之瘦人血枯火秘通幽湯煎成入蜜服之老人津枯婦人產後去血過多及發汗利小便病後血氣未復虛勞骨蒸皆能作秘惟當益氣補水養血不可用硝黃利藥巴豆牽牛尤在所禁有一種大便不通腹中脹悶求通不得頻頻登廁努力太過虛氣被擗下注肛門裏急後重時不可忍氣逆嘔惡渴而索水飲食不能呻吟不絕欲與

通利則氣已下脫。欲與升提。則氣已上逆。嘔惡難堪。人參枳殼當歸煎。服加陳香櫟皮尤効。腎藏血虛。大腸風秘。生何首烏。搗自然汁一盞。和白蜜頓熱服之。六味丸加蜜調服亦通。固本丸作膏常服亦妙。古方治老人燥結。多用菴蓉。不知胃氣虛者。下口卽作嘔吐。肥人胃中多有痰溼。尤非所宜。惟命門火衰。開闔失職者。方爲合劑。然須丸服。若作湯亦必作吐。以其味鹹氣濁也。丹方治腎肝風秘。至夜微發寒熱者。用生何首烏兩許。頓煎服之。神應。若暴病熱邪固結。及

中有留滯者禁用。以其純陰味澀無養正祛邪之力也。○失血後煩渴大便不通。一味生地黄搗汁服之。大病後不得寐大便不通。一味熟棗仁搗水去滓煮粥頻食。血枯燥結恆用熟地黄蜜煎常服。或熬膏亦佳。○又老人血枯便閉。用生地黄黃當歸身鮮首烏各四兩。廣皮一兩。熬膏頓熱服。半小杯。不過三五次効。○實秘者能飲食小便赤濇。枳實檳榔木香砂仁蓬朮大黃皂角灰之屬。氣滯腹急大便秘濇。六磨湯加大黃。○諸秘服藥不通。或虛人畏服利藥者。宜蜜煎。

導削醬薑導分寒熱選用其猪膽導非傷寒邪熱不可輕試。病人胃氣虛者用之。往往有呃逆之虞。不可不慎。

或問乾結之甚。硝黃亦可暫用否。曰。承氣湯用硝黃。乃傷寒邪熱入裏。胃液乾枯。腎水涸竭。故宜急下以救陰津爲務。若老人虛人及病後腎水本虧。以致燥結。再用硝黃下之。是虛其虛。目下取快一時。來日復秘愈甚。欲再下之。雖鐵石不能通矣。倘遇此證。當勸慰之。緩圖奏効。切勿性急。自貽其咎也。

診○陽結脈沉數。或促。陰結脈遲伏。或結。老人虛人
便秘。脈多沉伏而結。促不勻。若見雀啄者不治。

小便不通

閉癰

經云三焦者決瀆之官水道出焉。膀胱者州都之官。津液藏焉。氣化則能出矣。○下焦者別迴腸注於膀胱而滲入焉。故水穀者常并居於胃中。成糟粕俱下於大腸而成下焦。滲而俱下。濟泌別汁。循下焦而滲入膀胱焉。○膀胱之胞薄以懦。得酸則縮。蹇約而不通。水道不行。故癰陰者積筋之所終也。故酸入而走筋矣。○飲食入胃。游溢精氣。上輸於脾。脾氣散精。上歸於肺。通調水道。下輸膀胱。

經云。至陰虛。天氣絕。至陽盛。地氣不足。夫腎肝在下。地道也。心肺在上。天道也。脾胃居中。氣交之分也。故天之陽絕。而不安於地者。則白露不下。在上之陽不交於陰。則在下之陰無以爲化。水道其能出乎此。上焦之氣化也。仲景曰。衛氣行。則小便宜通。又曰。脾病則九竅不通。此中焦之氣化也。東垣云。在下之陰虛。在上之陽盛。致腎氣不化。必宜其陽而舉之。則陰可得而平也。故丹溪云。以吐法通小便。上竅通而下竅之水出焉。然升提止瀉。施於上。瀉不通者。若溺瀉短。

少或淋漓作痛者非所宜也。由經言及諸論觀之。未有不主於氣化者。不審乎此。轉行疏利之劑。求功多見其不知量也。

東垣云。小便不通。皆邪熱爲病。分在氣在血而治之。以渴與不渴而辨之。渴而不利。或黃或濇者。熱在上焦。氣分也。小便者膀胱所主。若肺熱不能生水。是絕其寒水生化之源。宜清肺而滋化源。故當從肺分助其秋令。宜茯苓澤瀉車前木通之類。淡味滲泄之藥。水自生焉。如不渴而小便不通者。熱在下焦。血分。腎

與膀胱受熱閉塞其流須知藥之類苦寒氣味俱陰之藥以除其熱稍兼肉桂辛溫散結之陽藥以泄其閉若服淡滲之味則陽無以化而陰愈閉塞不通矣○氣分熱渴而小便閉或黃或濇者黃芩清肺飲○血分熱小便閉而不渴者滋腎丸不應併中焦亦有熱也加連攖甘草等分煎服○陰虛血熱人渴而小便不通或清痛淋瀝者切禁五苓燥劑宜導赤散○津液偏滲於大腸大便泄瀉小便濇少或水停心下不能下輪膀胱者五苓散滲泄之若六府客熱轉於

下焦而不通者。川益元散以清之。若氣迫閉塞。升降不通者。二陳湯去半夏。加木通滑石。柴胡升麻以提之。○汗出過多。小便赤澀。此五內枯燥。慎勿用利水之劑。生脈散加黃耆當歸。若右寸獨數。大小便點滴而下者。此金燥不能生水。氣化不及。州都生脈散去五味子。易大劑紫苑。可一服而愈。○小便不通。腹下痛悶難忍。如覆碗者。爲實。亦分在氣在血。氣壅於下者。四磨六磨選川。血汚於下者。代抵當丸。○有火虛者。非與溫補之劑。則水不能行。如金匱腎氣丸。元氣

下陷而水道不通者。補中益氣湯加木通車前升清
以降濁也。○小便不利。審是氣虛。獨參湯少加廣皮
如神。○凡小便不通用。獨蒜塗臍法。以獨囊蒜一枚
梔子三枚。鹽少許。搗爛攤紙貼臍。良久卽通。未通塗
陰囊上。立効。或用食鹽半觔炒熱布包。灸之。天行熱
病小便不通用。蚯蚓泥升許。以水浸澄清。渴卽與飲。
不應用地龍數枚。同蘆根搗汁飲之。

閉瘞。○閉瘞者。溺閉不通。淋瀝點滴也。惟肝與督脈
三焦膀胱主之。經云。膀胱之胞薄以懦。得酸則蹇縮。

約而不通水道不行故癰又云膀胱不利爲癰不約爲遺溺蓋實則閉癰虛則遺溺遺溺則補之閉癰則瀉之然遺溺閉癰不取膀胱俞者蓋膀胱但藏溺其主出溺者皆從三焦及肝與督脈也閉癰者合而言之病也分而言之有暴久之殊蓋閉者暴病爲溺點滴不出俗名小便不通是也可用疏通利竅之劑甚則用吐法以提其氣自通若補中益氣二陳五苓俱可探吐也癰者久病爲溺癰淋瀝點滴而出一日數十次名淋病是也惟宜滋養真陰兼資氣化如六

味生脈之類亦可合用。若疏泄利氣之藥皆爲戈戟
矣。夏秋熱傷痿閉以滑石調水飲之卽通。但陰虛泉
竭者禁用。

淋

金匱云。淋之爲病。小便如粟狀。小腹弦急。痛引臍中。跌陽脈數。胃中有熱。卽消穀引食。大便必堅。小便卽數。

小便不利者。有水氣。其人苦渴。栝蒌瞿麥圓主之。○小便不利。蒲灰散主之。滑石白魚散。茯苓戎鹽湯。並主之。○渴欲飲水。口乾舌燥者。白虎加人參湯主之。○脈浮發熱。渴欲飲水。小便不利者。猪苓湯主之。○淋家不可發汗。發汗則便血。

金匱論淋證四條。一曰小便如衆狀。痛引臍中。此肝移熱於膀胱。因肝熱甚。失其疏泄之令而然也。一曰胃中有熱。消穀引食。大便堅。小便數。此因胃熱熾甚。消燦津液。腸胃膀胱之源俱涸也。一曰有水氣。其人苦渴。此膀胱氣化不行。水積胞中爲患也。一曰小便不利。用蒲灰散等治。此因膀胱血病。血屬陰。陰病則陽亦不能施化也。其用栝蒌瞿麥丸者。蓋緣肺氣不化。膀胱不通。致水漬則津液不行。而胃中燥渴。故用栝蒌根以生津。薯蕷以補肺。

茯苓疎肺氣下行。瞿麥逐膀胱瘕結。然欲散下焦之結。又需陽藥。始得開通。故少加附子爲使。必水積而腹中冷者。方可用之。若雖有水氣而腹中不冷。卽當效五苓之法。以桂易附。或因積熱閉瘕。又當改附子爲知藥也。其蒲灰散等三方。悉治膀胱血滯。氣不化而小便不利之證。蒲灰滑石者。蒲灰治瘀血。滑石利竅也。亂髮滑石白魚者。髮灰消瘀血。白魚去水氣也。茯苓戎鹽者。鹹潤走血。佐茯苓淡滲利小便。白朮兼利腰膺間血也。三方亦有輕

重。亂髮爲重。蒲灰次之。戎鹽又次之。至於渴欲飲水。口乾舌燥。明係熱在上焦。故用白虎以蕩滌膈上之熱。加人參以救津液也。渴欲飲水。小便不利。乃熱結膀胱。津液固結之候。而見脈浮發熱。太陽熱邪循經發外也。故用猪苓湯以導熱滋燥。慎勿因其發熱而與發汗。重傷其陰。必致便血。故爲切戒。

諸淋所發。皆腎虛而膀胱生熱也。水火不交。心腎氣鬱。遂使陰陽乖外。清濁相干。畜在下焦。故膀胱裏急。

膏血砂石從水道出焉。於是。有淋瀝不斷之狀。甚者。窒塞其間。令人悶絕。凡小腸有氣。則小便脹。小腸有血。則小便濇。小腸有熱。則小便痛。制劑之法。竝宜流行滯氣。疏利小便。清解熱邪。其於平調心火。又三者之綱領焉。心清則小便自利。血不妄行。最不可用補氣之藥。氣得補而愈脹。血得補而愈濇。熱得補而愈盛。水竇不行。加之穀道閉遏。未見其有能生者也。雖然。腎氣虛弱。囊中受寒。而成淋瀝者。有之。其證先寒慄而後洩血。蓋冷氣與正氣交爭故也。又有胞系轉

房不通者。其證臍下急痛。小便不通。凡強忍小便。疾行走馬。或忍尿入房。使水氣逆上。氣迫於胞。故屈戕而不得舒張也。胞落則姙石淋者。臍腹隱痛。小便難痛不可忍。洩如砂石。或黃赤。或渾濁。色澤不定。正如湯瓶久受煎熬。底結白碱。宜清其積熱。滌其砂石。如麥冬。葶藶。木通。葵子。滑石。車前。連翹。瞿麥。知母。清痛甚者。爲膀胱畜血。加琥珀。肉桂。大黃。辛溫以散之。加味葵子茯苓散。專治石淋之聖藥。紫雪亦佳。○勞淋者。遇勞卽發。小便淋瀝不

絕如水滴漚而不斷有脾勞腎勞之分勞於脾者補
中益氣加車前澤瀉勞於腎者六味丸加麥冬五味
○血淋者雖主實主血而與小腸爲表裏然須看血
色分冷熱色鮮紫者爲小腸實熱小腸熱甚而血滲
胞中與漚俱下大劑生牛膝爲主兼車前山梔生地
紫苑犀角桃仁蘆根汁生藕節汁血虛而熱用生地
黃三兩黃芩阿膠各半兩稻葉少許水煎服之此千
金法也若色瘀淡者屬腎與膀胱虛冷生料六味丸
加肉桂蘆根搗水煎候冷服若兩尺脈沉弦而數必

有瘀血停蓄。犀角地黃湯加紫苑牛膝。若琥珀麝香。
當歸川芎。草薢。木通。白朮。木香。香燥破血。利水耗氣。
之類。切禁。○氣淋者。氣化不及。州都胞中氣脹。小腹
滿堅。溺有餘瀝。宜沉香肉桂。茯苓澤瀉。佐以木通。瞿
麥。葵子。山梔。石葦之類。實則氣滯不通。臍下妨悶。加
香附。木香。不應加硝黃。溺後疼痛。去石葦。木通。瞿麥。
葵子。山梔。加秋石。生甘草。稍藕汁。氣淋服利水藥。不
能通者。沉香降氣。四磨湯選用。○膏淋者。儼若脂膏。
或便中有如蛭蟬之狀。此名肉淋。乃精溺俱出。精塞。

溺道故便欲出不能而痛宜茯苓秋石沉香海金沙
澤瀉滑石如不甚痛者須固瀉其精慎勿誤與通利
鹿角霜肉蓯蓉兔絲子蓮鬚芡實山藥之類或桑螵
蛸兔絲子等分澤瀉減半蜜丸服後以六味丸合聚
精丸調補之○冷淋者寒氣客於下焦水道不宜滿
於胞內淋瀝而白先發寒慄而後便數成淋宜金匱
腎氣丸加鹿茸沉香戴氏云進冷劑愈甚者此是冷
淋牛膝半兩煎湯加麝少許下八味丸冷淋小便閉
瀉數起不通竅中苦痛憎寒凜凜或因煩渴飲水過

多水積胞中不行。生附子散。不應用。栝蒌瞿麥湯。
熱淋者。心肺蘊熱。不能滋其化源。小便赤澀如血。而
少煩渴引飲者。導赤散加黃芩。躁熱不渴者。滋腎丸。
或淡竹葉煎湯調辰砂益元散。○凡人服金石大毒。
以助入房。敗精流入胞中。及飲食痰積滲入者。則皆
成淋。或忍精不泄。停凝作痛。而致淋者。木通車前牛
膝澤瀉。茯苓滑石甘草。或湯或丸。俱効。有膏粱太過。
食積成痰。流注爲淋。宜尿浸山查。川連。月皮。海石。玄
明粉之類。○小便艱澀如淋。短而不作痛者。虛也。六

味丸加鹿茸肉蓯蓉如莖中不痛而癢者此屬精虛
八味丸○小便淋瀝莖中痛不可忍相引脇下痛參
苓琥珀散○有服五苓散不効用生料鹿茸丸却愈
此皆下元虛冷之故○胞痺小便淋瀝瀉痛腎虛膀
胱積熱也腎瀝湯○胞痺不得小便小腹痛若沃以
湯則小便雖瀉而畧通者此膀胱虛寒也茯苓丸虛
寒甚者已載丸○老人精氣已衰猶不絕慾小便淋
瀝小腹脹閉而牽引殺道或溺血梗痛腎氣丸加牛
膝○熱極成淋莖中痛五苓散減桂大半加滑石木

通生甘草梢。口苦咽乾小便赤澀或欲成淋清心
蓮子飲。伏暑成淋五苓和益元散虛人生脈散不
時服之。小便自清後有幾點血者五苓散加牛膝
熟地紫苑。有因怒而致淋者非青皮沉香山梔木
通不能已也。有因思慮成淋者歸脾湯和五苓散
並進。汗多而小便痛暑月常有之盛暑冷飲既多
上停爲飲外發爲汗津液不通小腸閉塞五苓散加
人參甘草名春澤湯最爲合劑。老人氣虛下陷成
淋者補中益氣加木通澤瀉以升麻柴胡升九地之

陰木通澤瀉降九天之陽服之殊驗○心脾血虛歸
脾湯辰砂妙香散選用○淡秋石治血淋莖中熱痛
降火最捷但元氣下陷小便多者禁用○血淋服諸
藥不効一味薏苡根搗汁服之○血淋每日用黃蘗
絲二兩煮湯飲之七日必効留絲煨灰存性蜜丸服
之并主婦人血崩又生雞子黃每日清晨沸湯調服
二枚其血自清○牛膝三兩煮成入麝少許頓服名
地髓湯此治血淋要劑但淋久不止元氣下陷者又
爲切禁且虛人能損胃氣及崩淋下血不止者皆不

宜服。以其滑精故也。○朴硝雪白者。治痛淋殊効。每服二錢。血淋用冷水下。氣淋木通湯下。石淋炒研用溫水下。○石膏火煨。同琥珀滑石。乃石淋之要藥。然須質壯初起者宜之。○老人絕慾太早。成淋。生菜豆水浸搗汁服之。然不若淡秋石搗水飲之。其効如神。一切淋濁。屬實熱者。應手獲効。稍涉陰虛。甚於砒鴆。不可不慎。

診○少陰脈數。婦人則陰中生瘡。男子則氣淋盛大。而實者生。虛小而瀦者死。

薛立齋治一人素膏粱小便赤數日乾吐痰稠粘
右寸關數而有力此脾肺積熱移於膀胱先用黃
芩清肺飲清理脾肺次用滋腎丸六味丸以滋腎
水而安

又治一儒者發熱飲水不絕每如廁小便澹痛大
便牽痛此精竭復耗所致用補中益氣送都炆丸
而安

石頑治內閣文湛持夏月熱淋醫用香薷飲益元
散五日不應淋瀝轉甚反加心煩不寐乃弟廣文

彥可相邀往診見其脣赤齒燥多汗喘促不時引飲脈見左手微細右手虛數知爲熱傷元氣之候遂疏生脈散方類進代茶至夜稍安明日復苦洩便瀉數然其脈已向和仍用前方不時煎服調理五日而痊

又治太史沈韓倬患膏淋小便頻數晝夜百餘次晝則滴瀝不通時如欲解痛如火燒夜雖頻遑而所解倍常洩中如脂如涕者甚多先曾服清熱利水藥半月餘其勢轉劇面色痿黃飲食艱進延石

頑診之脈得弦細而數兩尺按之益堅而右關濇
大少力此腎水素虧加以勞心思慮肝木乘脾所
致法當先實中土使能隄水則陰火不致下溜清
陽得以上升氣化通而疼瀝瘳矣或云邪火亢極
反用參芪補之得無助長之患乎曷知陰火乘虛
下陷非開提清陽不應譬諸水注塞其上孔傾之
涓滴不出所謂病在下取之上若用清熱利水則
氣愈陷精愈脫而溺愈不通矣遂疏補中益氣方
用人參三錢服二劑痛雖稍減而病者求其速効

或進四苓散加知母。門冬。沙參。花粉。甫一服。徹夜
痛楚倍甚。於是箭服補中益氣。兼六味丸。用紫河
車熬膏代蜜調理。補中原方。服至五十劑。參盡觔
餘而安。

小便不禁

遺溺 小便頻數

王節齋曰。小便不禁。或頻數。古方多以為寒。而用溫
清之藥。殊不知陰虛陽熱者多。蓋火邪妄動。水不得
寧。故不能禁。而頻數也。是以老年人多頻數者。是膀
胱血少。陽火偏旺也。治法宜滋腎水。真陰補。膀胱津
液為主。而佐以收清之劑。六味丸加麥冬。五味之類。
不可用溫藥也。

戴氏云。小便多者。乃下元虛冷。腎不攝水。以致滲泄。
宜八味丸。生料鹿茸丸。若小便頻常急。偏數雖多。而所

出常少。放了復急。不滿痛。非淋證。亦有小便畢少。頃將謂已盡。忽再出些少者。多因從忍尿行房事而然。宜生料五苓散加阿膠。不加減八味丸。○小便不禁而淋瀝清痛者。此真陽不固而下滲也。固脬丸不應用。加減桑螵蛸散。晝甚者爲陽虛。補中益氣加熟附子。夜甚者爲陰虛。八味丸。○脬氣不足。小便頻數。晝甚於夜者。縮泉丸。○或時清利過多。或時頻數赤濁者。舊用草薢分清飲。多不應。改用加減八味丸。効。若夜起小便多者。八味丸加五味子。○數而少爲實。

熱宜參之。五苓減桂加滑石甘草。數而色黃虛熱也。宜滋陰。六味丸。數而多色白體羸爲真陽虛升氣少而降氣多。須補右腎相火。八味丸加補骨脂鹿茸。病後服苦寒泄利藥太過。小水不禁。或如稠泔色者。加減八味丸。

小便頻數。勞而益甚者。屬脾氣虛弱。補中益氣湯加山藥五味。若小便濇滯。補之益甚者。乃膀胱熱結也。赤芍赤茯苓黑山梔生甘草木通滑石淡竹葉。目白睛黃加茵陳有血加當歸延胡索。脈滑數盛大黃。

二錢。苳硝一錢。大便通。小便亦利也。其脾肺氣燥。不能化生者。黃芩清肺。飲膀胱陰虛。陽無以生者。滋腎丸。腎與膀胱俱虛。或肺氣不化。水泉濇數者。六味丸加麥冬五味。○若小便濇滯。或室中痛。屬肝腎溼熱。龍膽瀉肝湯。

遺溺。○經云。腎脈生病爲遺溺。肝所生病爲遺溺。膀胱不約爲遺溺。仲景云。下焦不歸則遺溺。天寒則腠理閉。氣溼不行。水下流於膀胱。則爲溺與氣。故多溺而寒也。至於不禁。虛寒之甚。非八味丸。固脬丸加減。

桑螵蛸散不効。然亦有熱客腎部而遺尿者。經曰。溺氣遺溺。痺聚在腎。此係熱證。其證發熱作渴。或時閉。或時自遺。或陰挺不能約制。午前小劑補中益氣。加黑山梔。午後大劑生料六味丸。加五味子。常服自効。○夏月暑病遺尿者。白虎加入參湯一服即應。○有先因病淋。服利藥太多。致溺不禁者。補中益氣少佐熟附子。○有所傷損。汚血畜於胞中。亦令遺失。鹿角屑炙黃爲末。和桃仁泥等分。酒調三錢。○款而遺溺。屬膀胱。茯苓甘草湯不應。五苓散。○小兒胎中受

冷遺尿一味補骨脂炒研臨卧紅酒調服卽不遺○
孕婦及產後遺尿見婦人門

石頑治吳興閔少江年高體豐患胞痺一十三年
歷治罔効一日偶述其證於張漸高漸高曰此病
隱曲難明非請正於石頑張子不能測識也少江
素忝交知因是延余倍陳所患凡遇勞心嗔恚或
飲食失宜則小便頻數滴瀝瀉痛不已至夜畧得
交媾溺卽滲漉而遺覺則阻滯如前十三年來服
人參鹿茸紫河車無筭然皆平穩無礙獨犯牡丹

白朮。卽脹痛不禁。五犯五劇。究竟此屬何疾。余曰。病名胞痺。惟見之於內經。其他方書不載。是以醫不加察。并未聞其病名。此皆高粱積熱於上。作強傷精於下。溼熱乘虛結聚於膀胱之內。胞也。素問云。胞痺者。小腹膀胱按之內痛。若沃以湯。漇於小便。上爲清涕。詳此節經文。則知膀胱虛滯。不能上吸肺氣。肺氣不清。不能下通水道。所以漇滯不利。得湯熱之。入小便。漇漇微通。其氣循經蒸發。肺氣暫開。則清涕得以上泄也。因舉腎瀝湯方服之。

其効頗捷。但原其不得寧寢。寢則遺溺。知肝虛火擾。而致魂夢不寧。疎泄失職。所以服牡丹。疎肝之藥。則脹者。不勝其氣之竄。以擊動陰火也。服白朮補脾之藥。亦脹者。不勝其味之濁。以壅滯溼熱也。服人參。鹿茸。河車。溫補之藥。平穩無礙者。虛能受熱。但補而不切於治也。更擬加減。桑螵蛸散。用羊腎湯。泛丸服。庶有合於病情。然人秩年高。猶恃體豐。不遠房室。藥雖中款。難保前證不復也。又治徽友黃元吉。年六十餘。因喪明。齋妾而退小。

便淋瀝。春間因顛仆昏憤遺尿。此後遂不時遺溺。或發或止。至一陽後。其證大劇。晝日苦於溺瀝。不通非坐於熱湯。則涓滴不出。交曉便遺之不禁。因求治於石頭。其脈或時虛大。或時細數。而左關尺必顯弦象。此腎氣大虧。而爲下脫之兆也。乃與地黃飲子數服。溺瀝稍可遺。亦少間。後與八味丸去丹皮澤瀉。加鹿茸五味。已載遠志。調理而痊。又治陝客亢仁軒。年壯色蒼。體豐善噉。患胞痺十餘年。諸省名醫俱藥之不應。亦未有識其病名者。

癸丑夏泊吳求治其脈軟大而濇濇不調不時踣
踣於地以手揉其莖囊則洩從穀道點滴而滲必
以熱湯沃之始得稍通寐則有時而遺其最苦者
中有結塊如橘核之狀外裹紅絲內包黃水雜於
脂膩之中與向所治高叅議田孟先無異此因恣
飲不禁酒溼乘虛襲入髓竅故有是患因令堅戒
烟草火酒溼麪椒蒜糟醋雞豕炙燂等味與半夏
茯苓猪苓澤瀉草薢犀角竹茹作湯四劑不應省
其故以西北人慣食等味不能戒口所以不効乃

令其堅守勿犯。方與調治。仍用前藥。四劑勢減。二
三次與腎瀝湯。加車前數服。水道遂通。洩亦不痛。
但覺食不甘美。後以補中益氣。加車前。木通調之。
而安。此與高叅議田孟先證雖同。而治稍異。高則
因遠遊恣樂妓館。致病。故用腎瀝湯。加減八味丸。
收功。田因陰虛多火。故用腎瀝湯。生脈散。合六味
丸收功。若車前分清滲水傷精之味。咸爲切禁。此
則肥盛多溼。故先與清胃豁痰之藥。然後理腎調
脾。爲治不得不異耳。

又治御前侍衛金漢光年逾花甲。初夏悞飲新酒。致病前有淋瀝。漸痛。後有四疳腫突。此陰虛熱陷。膀胱也。先與導赤散。次進補中益氣。勢漸向安。惟庭孔。漸痛未除。或令服益元散。三服。遂致遺溺。不能自主。投劑不應。直至新秋。脈漸更弱。因採腎瀝之義。以羯羊腎製補骨脂。羊脬製菟絲子。濃煎桑根皮汁製螺蛸。甫進三日。得終夜安寢。消滴靡遺矣。

小便黃赤

內經曰。諸病水液渾濁。皆屬於熱。夫小便黃赤。有四。一屬肝熱。經曰。肝熱病者。小便先黃。是也。二屬胃熱。經曰。胃足陽明之脈。氣盛則身已前皆熱。消穀善饑。溺色黃。是也。三屬肺虛。經曰。肺手太陰之脈。氣虛則肩背痛。寒則少氣。不足以息。溺色變。是也。四屬腎虛。經曰。冬脈者。腎也。冬脈不及。則令人眇中清。脊中痛。少腹滿。小便變。是也。○汗多而小便赤濇。夏月多有此證。盛暑汗既多。膀胱閉濇。則水不運下。四君子合

五苓散或五苓合生脈。或生脈合保元。或消暑丸。清燥湯選用。○有小便赤短。體倦食少。缺盆痛。此脾肺腎俱虛也。補中益氣下六味丸。滋其化源。自愈。誤用滲利必危。已經分利。或病後有此。屬脾肺氣虛。不能施化。補中益氣加麥冬五味。○尺脈數大。陰火上炎。而小便赤少者。六味丸加麥冬五味。○肝熱者。頻欲解而赤。滿梗痛。時覺凜凜。或發寒熱。六味丸多加牛膝。脈盛氣實者。龍薈丸。○胃熱者。口中乾淡。引飲。肌膚壯熱。竹葉石膏湯。○膀胱熱甚者。滋腎丸。

遺精

經曰。怵惕思慮則傷神。神傷則恐。懼流淫而不止。○
腎者主蛰。封藏之本。精之處也。

五藏主藏精者也。傷則失守。謂一藏之真不得其正。
則一藏之病作矣。厥氣客於陰器。則夢接內。厥陰主
筋。故諸筋統繫於肝也。腎爲陰主。藏精。肝爲陽主。疎
泄。故腎之陰虛。則精不藏。肝之陽強。則氣不固。若遇
陰邪客於其竅。與所強之陽相感。則精脫而成夢矣。
所謂陽強者。乃肝藏所寄之相火強耳。故治以腎肝

爲主。亦有不在腎肝而在心肺脾胃之不足者。然必傳於腎肝而後精方走也。治法若從他藏而起。則以初感病者爲本。腎肝聚病者爲標。若由腎肝二藏自得者。獨治腎肝。陰陽離決。水火不交通者。則既濟之陰陽不相抱負者。則調和之。陽虛者補其氣。陰虛者補其血。陽強者瀉其火。有正治反治。從少從多。隨其便利。○夢與人交接爲夢遺。相火之強爲患。不因夢感而自遺者。爲精滑。心腎之傷居多。○因思想無窮。所願不得。而爲白淫者。治法有五。神氣浮游宜補中。

益氣湯加菖蒲下硃砂安神丸。○思久成痰迷於心
竅宜先服四七湯以豁其痰後用猪苓丸威喜丸調
之。○思想傷陰八味丸去附子加酒黃蘗以滋養之。
○用心太過心不攝腎以致失精者遠志丸。○因思
慾不遂則耳聞目見其精卽出名曰白淫辰砂妙香
散。○色慾過度下元虛憊滑泄不禁六味丸加鹿茸
五味龍骨。○失精夢泄亦有因鬱火而得故壯年火
盛多有流溢者若以虛冷用熱劑則精愈失滋腎丸
加生地茯神。○夢遺爲肝熱膽寒以肝熱

則火淫於外。魂不內守。故多淫夢失精。或時心悸。肥人多此。宜清肝。不必補腎。溫膽湯加人參。茯苓。棗仁。蓮肉。○遺精腰疼。六味丸加杜仲。五味。兔絲。菟蓉。中年已後。還少丹。○精氣不足。吸吸短氣。遺精盜汗。濟生鹿茸丸。○斲喪太過。滑泄不禁。兼心脾氣虛。飲食少進者。金鎖玉關丸。加參。耆。○脾腎俱虛。敗精失道。精滑不固者。九龍丹。去當歸。加草薢。五味。然不若萃仙丸尤妙。所謂敗精失道者。非敗精不泄。而有所畜滯也。以精竅屢開。不能閉密。失其常度。而流溢不止。

故宜止瀉之劑。○小便過多而便後常有滑精者。補中益氣湯下縮泉丸。痛而小便頻數者。禁用縮泉。以益智壯火。烏藥耗氣。非陰虛多火人所宜。○遺精莖中癢而水道不禁。是陽虛有火。加減八味丸。○脾虛不能隄水。水虧不能制火者。聚精丸加參朮芡實。連鬚五味常服有效。○大抵夢遺多是陰虛火氣用事。苟非確係陽虛。桂附鹿茸等助陽之藥。慎勿輕用。非確係氣虛。參朮遠志輩益氣之味。不可漫施。試觀夢遺必在黎明。陽氣發動之時。其爲陰虛陽擾可知矣。

○凡身有熱而脈洪滑皆因於熱犀角山梔麥冬茯
神竹葉木通猪苓生地蓮肉○凡屬鬱滯積熱等證
貴在疏泄醫者不知但用固澇反增其疾矣宜滋腎
丸猪苓丸清利之肥盛之人遺濁溪痰丸下之最妙
○脾胃溼熱之人及飲食厚味太過與酒客輩痰火
爲殃多致不夢而遺泄宜二陳二朮加厚朴黃蘗升
柴使清升濁降脾胃健而遺滑止矣○仲景治失精
夢交少腹弦急脈虛遲或朧動微緊用桂枝湯牡
蠣湯及手足煩熱咽乾口燥或悸或衄此陽上升而

不降陰獨居內而爲夢。用小建中湯和之。此世俗所昧也。

陸麗京曰。遺精之源有三。有斷喪太過。腎氣不藏。無夢而遺者。當益精以壯火。如鹿茸丸。安腎丸。聚精丸。九龍丹。金鎖玉關丸之類。有勞心太過。心腎不交。酣臥而遺者。當實土以隄水。如歸脾湯。妙香散。遠志丸。補中益氣湯。硃砂安神丸之類。有思想無窮。所願不得。妄夢而遺者。當瀉火以寧水。如滋腎丸。威喜丸。本事猪苓丸。清心蓮子飲之類。三者其源各異。若當清

利而反補。瀆滋患愈甚。當補瀆而反清利。陽氣愈微。當升補而反滋陰。元氣愈陷。不可不求其故而爲施治也。

丹溪治一人二十餘歲。功舉子業。四鼓猶未就枕。於卧間。玉莖但着被與股。便夢交接。脫精。飲食日減。倦怠少氣。此用心太過。二火俱起。夜不得睡。血不歸肝。腎水不足。火乘陰虛。入客下焦。鼓其精房。則精不得聚藏。而欲走。因玉莖著物。猶厥氣客之。故作接內之夢。於是上則補心安神。中則調理脾。

胃升舉其陽下則益精生陰固陽不三月而瘥。
沈明仲治王雨泉壯年氣弱溺後精水淋漓不斷。
服六味丸不應。易八味丸反加清痛兩尺脈數而
氣口虛大。此土虛不能隄水也。與補中益氣加麥
冬五味十劑而痊。

宗伯學士韓慕廬三公郎祖昭素稟清癯宿有精
滑不禁之恙。邀石頑診之脈得微弦而數。尺中畧
有不續之象。此不但腎氣不充抑且氣秘不調。愈
不能司封藏之令耳。爲疏六味丸去澤瀉加鱉膠。

五味畧兼沉香於補中寓宣法雖如此但久滑竅
疏難期速應毋怪藥之不力也

赤濁白濁

白濁
筋痛

濁之爲證。莖中熱痛如火灼刀割。溲溺自清。惟竅端時流穢濁如膿。淋瀝不斷。初與溲溺不相混濫。時醫不知其故。多以利水之劑。雜投不已。因而增劇者。往往有之。蓋由敗積瘀腐者。十中六七。由溼熱下注。與脾虛下陷者。十常三四。必先補中氣。兼升舉之。而後分其藏府氣血。赤白虛實以治。與夫他邪所傷者。固在瀉熱補虛。設腎氣虛甚。或火熱亢極者。則不宜純用寒涼。必反佐治之。在達人觀變耳。色白如汁。或如

腐花腐漿而馬口不乾結者爲淫。色黃赤而馬口乾
掩者爲火。此皆爲濁。胃中淫熱下流也。又濁而清者
爲淫。痛者淫兼熱也。有溺時結塊阻滯作痛塊中內
蓄水泡者。此必醉酒使內。酒淫乘虛襲入精竅也。○
粘膩如膠。或心動輒遺。或溺後遺下者。皆精病。與濁
無干。○肥人白濁白帶多。是胃中淫熱。濁痰下流。滲
入膀胱。謂之便濁。與腎絕不相干。雖溺後便出濁塊。
却不牽膩。用二陳加川革。薤澤瀉。薑汁炒黃蘗。濁物
中有水泡者。二陳倍半夏。加猪苓。澤瀉。滑石。麝香。赤

小豆竹瀝薑汁之類。赤者去半夏。加琥珀延胡索。赤芍藥椿根皮。若腎虛淫火易動。精離其位。而成精濁者。其精牽膩如膏。雖不便溺。亦常有之。用九龍升收攝之。若忍精不泄。流入竅隧。而患白濁。用五苓散。赤濁用豬苓湯。竝加麝少許。小便頻數。莖中痛。調下益元散。赤者少加硃砂。晝甚者。屬上焦燥熱。氣化不行。益智烏藥皆不可用。宜清心蓮子飲。虛者妙香散。二方選用。○心經伏暑而赤濁者。五苓散減桂。合生脈散。○肥人溼痰成濁。二陳加二朮黃蘗神麴。○黑瘦

人脈洪數。五心煩熱。頰赤。脣乾。小便赤濁。龍膽瀉肝湯。○曾見白濁人服涼藥不効。一味生白果。卽愈者。以其專祛溼濁污垢故也。○脾虛下陷者。補中益氣加半夏茯苓。○有小便如常。放流濁物兩尺。脈沉弱。足膝痿弱。白濁頻數。凝白如油。光彩不定。漩脚澄下如膏糊。六味丸加萆薢麥冬。○莖中大痛。便赤口渴。脈來滑數者。宜與清熱利水津液自行。四苓散加生地麥冬。萆薢知檉之類。丹方治白濁用枸杞一錢五分。兔絲車前韭子各一錢。蓮子去心二十一粒。入漬。

豬尿脬內煮。時加葱酒。啜汁并食。豬脬連子連服。二三次効。

白淫者。一時流。故曰水火鬱故也。加味道遙散。小腹急痛。便溺失精。洩出白液。桂枝加龍骨牡蠣湯。脾風傳腎。小腹痛。寃熱出白液。名曰蠱。左傳以喪志。名爲蠱病。乃真元不守也。當歸內補建中湯。加黃耆。筋痛者。莖中作痛。筋急縮。或作癢。或腫。或筋緩不收。白物如精。隨溺而下。此腎不虛。而肝經溼熱火旺也。龍膽瀉肝湯。

診○濁證脈大而清按之無力或微細或沉緊而濡
爲虛動滑爲實尺脈虛浮急疾者皆難治遲者易治○

前陰諸疾

前陰所過之脈有二。一曰肝脈。二曰腎脈。經云。足厥陰之脈入毛中。過陰器。抵少腹。是肝脈之所過也。又云。腎脈者起於少腹。以下骨中央。女子入繫廷。孔循陰器。男子循莖。下至纂。與女子等。是腎脈之所過也。陰縮。陰縱。經曰。足厥陰之筋傷於寒。則陰縮入。傷於熱。則挺縱不收。治在行水清陰器。陰縮謂前陰受寒入腹內也。木虛。四逆湯加人參肉桂。袪表邪發熱。黃耆建中加熟附三五分。挾食枳實理中湯加熟

附五七分發熱面赤戴陽稍加黃連三四分。陰縱者謂前陰受熱挺縱不收也。小柴胡湯加酒黃蘗。溼熱龍膽瀉肝湯。強中有肝火盛強有金石性發其證莖盛不衰精出不止多發消渴癰疽若因下焦伏火宜用知母生地麥冬黃芩黑參甜桔梗黃連栝蓏根地骨皮石膏生甘草大豆猪腎之類以解毒爲主。若因腎虛肝熱宜用熟地龜版丹皮茯苓黑參沙參天冬麥冬澤瀉五味之類以補陰爲主。○夏子由奇方治玉莖長硬不痿精出淫之則脆癢如刺鍼方用

補骨脂家韭子各一兩爲末每服三錢水煎日三
陰痿當責之精衰。斷喪太過所致。經云足厥陰之經
傷於內則不起是也。仲景八味丸特妙。甚者加人參
鹿茸。或加巴戟。菟蓉。鎖陽。枸杞。然亦有鬱火甚而致
痿者。經云壯火食氣。譬人在夏暑而倦怠。遇冬寒而
堅強。予嘗治腎經鬱火。令服滋腎丸而効。故須審察。
不可偏認火衰也。○薛立齋云。按陰莖屬肝之經絡。
若因肝經溼熱而患者。用龍膽瀉肝湯以清肝火。導
溼熱。若因肝經燥熱而患者。用六味丸以滋腎水。養

肝血而痿自起。○陰痿弱而兩丸冷。陰汗如水。小便
後有餘滴。臊氣尻膈并前陰冷。惡寒而喜熱。膝亦冷。
此肝經溼熱。宜龍膽瀉肝湯。柴胡勝溼湯選用。○腎
脈強盛。右尺尤甚。此相火盛而反痿。宜滋腎丸。六味
丸。

婦人陰冷。肥盛者。多是溼痰下流所致。二陳加二木
羌防。○男子外腎冷。雨髀樞陰汗。前陰痿弱。陰囊溼
癢。臊氣。柴胡勝溼湯。

陰腫痛。乃風熱客於陰經。腎虛不能宣散而腫發。歇

疼痛宜桂枝湯加羌防。荆芥當歸。細辛通草。但腫而不痛者。是溼熱。防已茯苓湯加羌活澤瀉。但痛而不腫者。瘀積火滯。舒筋三聖散加歸尾赤芍生甘草梢。婦人產後受風。多有此證。芎歸羌防。荆芥乳香沒藥煎湯薰洗之。

陰中癢亦是肝家溼熱。小柴胡湯下滋腎丸。瘦人燥癢屬陰虛。六味丸三錢。滋腎丸一錢。和服。外用蛇床子煎湯洗之。○丹方治婦人陰癢。甘蔗查燒灰入水片擦之立止。○尺脈數。婦人陰中生瘡。下部懸久之。

有蟲。用豬肝煮熟切長條。蘸鶴蝨末。

即天名納陰中。

引蟲出。乃殺蟲要藥。婦人疲聚陰中腫痛不可忍。有物如茄。突出與男子之疝無異。因溼熱者。柴胡清肝散。龍膽瀉肝湯選用。外以枳實切碎炒熱。帛包熨之。冷再易。但是陰痛俱効。

疝

經云。任脈爲病。男子內結七疝。女子帶下瘕聚。○從少腹上衝心而痛。不得前後爲衝疝。○邪客厥陰之絡則卒疝。○厥陰之陰盛。脈脹不通爲瘕癰疝。○肝所生病爲狐疝。○腎脈大急沉。肝脈大急沉皆爲疝。○心疝心痛引少腹。上下無定。渡便難者。取厥陰。金匱云。腹痛脈弦而緊。弦則衛氣不行。卽惡寒。緊則不欲食。邪正相搏。卽爲寒疝。寒疝連臍痛。若發則自汗出。手足厥冷。其脈沉緊者。大烏頭煎主之。

寒疝遶臍痛。其脈陽弦陰緊。陽弦故衛氣不行而惡寒。陰緊故胃中寒盛。不殺穀。今寒人營中與衛相搏。則遶臍腹痛。自汗出。手足厥冷。陽微陰盛。其候危矣。故用烏頭之溫。合蜜之甘。入胃以建其中。而緩其痛。使營中之陽旺。則衛中之邪自不能留。亦不使虛寒自下上之微旨也。

寒疝腹中痛。及脇痛裏急者。當歸生薑羊肉湯主之。寒積迫於厥陰衝脈。故用當歸以通衝脈之急。生薑以散中外之寒。羊肉以補精血之虛也。

寒疝。腹中痛。逆冷。手足不仁。若身疼痛。灸刺諸藥不
能治。抵當烏頭桂枝湯主之。

腹中痛。乃少陰與任之寒證。逆冷。手足不仁。身疼
痛。營衛之氣亦不調矣。灸刺諸藥不効者。邪不在
經。而在腎與任脈也。故用烏頭蜜煎以溫少陰任
脈之經。合桂枝以調營衛之氣。方後有云。知者如
醉狀。營衛得溫而氣行也。得吐者。爲中病。陽氣內
復。則陰邪無容息之地而上出矣。

巢氏所叙厥疝。癰疝。寒疝。氣疝。盤疝。附疝。狼疝。戴人

又立寒疝水疝筋疝血疝氣疝狐疝癰疝之名各七
然皆謬立多名殊非切要。大抵疝之爲證。受熱則緩
縱不收。受寒則牽引作痛。受溼則腫脹累垂。虛者亦
然。三者之間。分其孰多孰少。而爲施治。在血分者不
移。在氣分者多動。往往有左丸偏脹而移於右丸者。
亦有右丸偏脹而移於左丸者。皆是氣分之病。若積
年痛發。不脹大而不能動移者。方是血分之病。屢發
屢更其處者。當是厥陰風木爲患。腫極而不甚痛者。
當是太陰溼土爲患。上引者宜用桂枝。吳萸。茴香。

等辛熱治之下墜者宜用川棟黃檗蒼朮香附苦燥
治之。又痛處熱而不欲人按者。溼熱也。痛處寒而喜
人按摩者。寒積也。以此明辯。萬無差誤矣。○丹溪云。
羣丸連小腹急痛。或有形或無形。或有聲或無聲。皆
以爲經絡有寒。收引則痛。不知始於溼熱。壅遏在經。
又感外寒。溼熱被鬱。不得疎散。故作痛。若只作寒論。
恐爲未備。蓋大勞則火起於筋。醉飽火起於胃。房勞
火起於腎。大怒火起於肝。火鬱之久。溼氣便盛。濁液
凝聚。并入血隊。流入厥陰。肝性急速。爲寒所束。宜其

痛甚當用枳實桃仁山梔吳茱萸山查生薑澤勝成
癰疽加荔枝核痛甚加鹽炒大茴香痛處可按者加
桂此亦前人未備之旨也○古方治疝多用溫劑丹
溪獨用涼劑然更有寒熱兼施者如烏頭梔子湯治
疝瘕少腹緩急痛處按之則減因其人素有溼熱外
束寒邪故用黑山梔川烏頭等分爲末薑汁糊丸川
烏治外束之寒梔子治內鬱之熱殊有奇効元氣衰
弱者加人參白朮佐以木香砂仁○臍下撮急周身
皆痛小便數而清諸脈洪緩獨腎脈弦急無力此邪

客於腎名曰腎疝。酒煮當歸丸。凡疝氣帶下皆厥陰風木之病。全蠍治風之要藥。川棟茴香皆入小腸。當歸延胡活血止痛。疝氣帶下皆寒邪積聚於小腸。總鬱化爲熱。非附子不能開之。丁香木香爲引導也。若有瘀血結滯作痛。又當以桃仁赤芍導之。

衝疝者。氣上衝心。下二便不通。乃寒濕之邪固結於內。鬱積爲熱。加以客寒觸之而發。天台烏藥散加鐵鏽水調服。甚則禹功散加炮薑枳實青皮下之。○衝疝歲久不除。漸成衝心疝。氣證與蠱脹無異。誤用攻

伐脹必轉劇。惟辛溫健運。庶爲合宜。然亦取効良難。至於調理。尤宜詳慎。每見食填中脘。濁陰之氣上逆。頃刻告變。業嘗見之。此與衝心脚氣不殊也。

狐疝者。卧則入腹。立則出腹。仲景云。陰狐疝氣。偏有大小。時時上下。蜘蛛散主之。若寒束熱邪。疝瘕攻痛。酒煮當歸丸。

癰疔者。少腹控卵。腫急絞痛。靈樞刺節篇所爲去爪是也。辜囊腫大如斗。如栲栳甚者。與身齊等。而不作痛。中藏穢液甚多。此溼邪也。最爲難治。但覺微痛者。

可治。桂苓丸加蒼朮厚朴黃蘗。
水疝。腎囊腫痛。陰汗如流。囊如水晶。小腹內按之作
聲。得之飲酒使內。更感風寒。溼留囊中。所致。五苓散
換蒼朮加棟實藥皮。

木腎。則陰丸腫大作。痛頑痺結硬。皆嗜慾內戕腎經
虛憊。溼熱凝滯其間。故頑痺結硬。腫大作。痛二妙散
加肉桂吳茱萸半夏枳實生薑。荊芥穗一兩。朴硝
蘿蔔各二兩。葱七莖。煎湯淋洗。
厥疝者。厥氣上衝心腹。肝經素有火邪。加以寒氣外

鬱質鑑當歸四逆湯若陰疝牽引小腹痛房勞痛不可忍者此肝經素虛挾熱而外挾風寒也烏頭梔子湯加葱白二三莖煎成入紅酒調服痛定用八味丸加茴香。

癰疽脾傳之腎少腹冤熱而痛出白卽巢氏之癰疽。子和之筋痛也丹溪所謂內鬱溼熱者與此疝相似。龍膽瀉肝湯去生地加橘核桃仁吳茱萸。偏墜初起香櫞散加穿山甲或穿山甲茴香二味爲末酒調下乾物壓之患久藥之不効或一核縮入少。

腹痛不可忍。用手按捺方得還舊者。木香、梔子散外。
用牡蠣、灰、良薑等分爲末。唾津調塗腫大一邊。須臾
如火熱痛卽安。○陰虛偏墜一味。敗龜版爲末。茴香
湯或溫酒調服。不應風入厥陰也。加醋炒蠟梢三分。
小腸氣者。小腸經爲病。小腹引牽九連腰脊而痛。蓋
小腸虛則風冷乘間而入。厥而上衝肝脈。控引牽丸。
上而不下。痛衝心肺。病名控牽。天台烏藥散。○小腸
氣及腎虛腰痛者。喝起丸。○若淫熱內鬱。小便不通。
爲膀胱實熱。加味通心散。

膀胱氣者膀胱經爲病小腹腫痛不得小便是也宜
五苓散加川楝子葱白茴香煎成入鹽少許熱服○
疝因食積爲患者必因飲食而發痛處有塊硬起宜
立効散○疝因瘀血爲患者必因奔馳受寒而發痛
處手不可拊按之刺痛如錐宜酒煮當歸丸去丁香
加桃仁○疝因風與溼熱而發者必連陰囊腫痛九
味蟠葱散○疝急作痛者用黃蘗酒炒爲君醋炒青
皮延胡索益智桃仁爲臣蒼朮香附茴香俱鹽水炒
爲佐附子甘草爲使研末作湯服後一痛過更不再

作○七疳痛不可忍灸大敦穴穴在足大拇指聚毛處去甲一韭葉灸七壯屬厥陰井也須用厚蒜瓣襯不可貼肉貼肉則傷指甲○一種因肺氣不化膀胱爲熱邪所滯而小便不通小腹與臍脹痛一味沙參大劑煎服肺氣化而小便通一服卽愈但小便不閉者不可服○寒疝用茴香一觔生薑三觔搗絞自然汁浸一夜收盡入青鹽二兩炒燥爲末酒九空心酒或葱湯下二錢小腸疝氣用四製香附鹽炒茴香等分爲末空心酒下三錢婦人陰腫堅硬青橘皮一觔

炒燥爲末。分二分。絹包焙熱。熨頻頻易之。○寒疝引
急。痛連小腹。及睪丸偏縮者。以胡椒十餘粒爲細末。
摻黑膏上烘熱。貼陰囊片時。其痛卽止。若睪丸偏縮
者。貼偏小半邊。蓋縮卽寒而墜則熱也。○患疝之人。
每浴時忍小便不去。入湯揉令腹中和暢。出浴卽去
小便。使所鬱寒溼乘熱發泄。又有疝氣入湯致通上
升者。此奔豚證也。人常有之。而俗醫不能辨耳。○小
兒啼哭不止。動於陰器。結聚不散。則陰核腫大而成
疝。用桂枝湯加細辛當歸木香蠟尾。○小兒啼哭。陰

囊腫大丹方用全蠍一分連皮核桃肉十分蜜丸彈子大日服一九米湯化下屢効。

石頑曰。疝證多用辛散苦降以解寒熱錯綜之邪。然厥陰一經內藏龍火。稍涉辛溫如烏頭桂枝肉桂茴香之類。每致溼熱鬱發而爲囊癰腫潰者多矣。因爲拈出以警將來。

診○脈數而弦者當下其寒。脈緊大而遲者必心下堅。脈大而緊。陽中有陰也。可下之。○脈弦急搏皆疝。弦數宜清熱。弦緊宜溫經。兼浮宜兼汗。兼實宜兼下。

弦細爲寒溼弦濡爲溼熱也

交腸

交腸之病大小便易位而出。或因醉飽。或因大怒。遂致藏氣乖亂。不循故道。法當宣吐以開提其氣。宜五苓散加木香以探之。肥盛多痰者。二陳湯加枳實木香以探之。使闌門清利。得司泌別之職。則愈矣。

石頑曰。交腸證雖見於方書。而世罕見。緣石山詹石匠之婦。產後五六日。惡露不行。腹脹喘滿。大便從前陰而出。省其故。緣平昔酷嗜烟酒。所產之兒。身軟無骨。因而驚駭。遂患此證。余以芩歸湯加莢木肉桂炒。

黑山查一服惡露通而二便如常。又陸聖祥之女。年
四歲。新秋患血痢。而稀糞出於前陰。作冷熱不調。食
積治與五苓散。服香連丸二劑而愈。又錢吉甫女。年
十三。體肥痰盛。因鄰居被盜。發熱頭痛。嘔逆而青。六
脈弦促。而使溺易位。此因驚氣亂。痰襲竅端所致也。
與四七湯下礞石滾痰丸。開通痰氣而安。

腸鳴

內經腸鳴有五。一曰脾虛。經云脾虛則腹滿腸鳴。餐泄食不化。枳實理中湯加木香。二曰中氣不足。腸爲之苦鳴。六君子湯加木香。三曰邪在大腸。經云腸中雷鳴。氣上衝胸。邪在大腸。半夏瀉心湯。四曰土鬱。經云土鬱之發。腸鳴而爲數後是也。平胃散加半夏。木香。茯苓。五曰熱勝。經云少陰在臍。熱滯所勝。病腹中腸鳴。氣上衝胸。葶藶木香散。金匱云腹中寒氣。雷鳴切痛。胸腹逆滿。嘔吐。附子粳米湯。東垣云如胃

寒泄瀉腸鳴於升陽除溼湯中加益智半夏各五分
生薑大棗和煎。丹溪云腹中鳴者病本於胃乃火
激動其水也。二陳加苓連山梔不應。用胃苓湯加減
。肺移寒於腎爲涌水。涌水者按腹不堅水氣客於
大腸疾行則鳴濯濯如囊裏漿水之病也。葶藶丸加
木香。

腸癰

金匱云。腸癰之爲病。其身甲錯。腹支急。按之濡。如腫狀。腹無積聚。身無熱。此爲腸內有癰膿。薏苡附子敗醬散主之。

詳腸癰始發。證未昭著。但以腹之支急。按之如腫。或身有塊壘。便爲眞候。若腹無積聚。身無熱。詢爲沉寒固結。雖下無濟。故用薏苡附子敗醬散。專以破散沉寒爲務也。周禹載云。附子辛散。以破結敗。善苦寒以排膿。務令膿化。仍從水道而出。將血病

解而氣亦開矣。

腸癰者。少腹腫痞。按之則痛。如淋。小便自調。時時發熱。自汗出。復惡寒。其脈遲緊者。膿未成。可下之。當有血脈。洪數者。膿已成。不可下也。大黃牡丹湯主之。

詳上條用薤白附子敗醬散。是主寒沫初搏於腸。未鬱爲熱。腹滿滿而脈不洪數。身無熱而甲錯如鱗。故常用辛熱以散其結。卽內經腎移寒於脾。則爲癰膿是也。若癰已成。又非此方所宜。觀次條言脈遲緊。膿未成。可下之。當有血。則知膿未成時。其

脈尚帶遲緊。便當下而不可溫矣。下法用桃核承氣。可不言而喻。至於脈洪數者。膿已成。不可下也。大黃牡丹湯主之。夫既曰不可下。而仍用大黃者。何也。蓋癰膿既成於內。不下。毒從何泄。以意逆之。非謂藥不可下也。必得排膿破瘀之劑。始爲合宜。但戒泛用下藥耳。

病者脈數無熱。微煩默默。但欲卧。汗出。初得之三四日。目赤如鳩眼。七八日。目四眇黑。若能食者。膿已成也。赤小豆當歸散主之。

脈數而煩熱邪之徵也。何反無熱耶。脈法有云。無
故脈數。必生癰疽。今癰發於內。故無熱。瘀毒於內。
故汗出。初得三四日。毒邪內盛。勢必上蒸。故目赤。
如鳩眼。至七八日。膿成而滯。未得下泄。故四背黑。
毒勢方張。故默默不欲食。毒邪將化。故漸能食。方
用赤小豆。令芽出。以通營分之熱。毒當歸以散腸
胃之積血。用散不用湯者。取有質之物。以迅掃在
下之膿血也。金匱此條。向在狐惑例中。并治腸癰。
便毒及下部惡血諸疾。

千金云卒得腸癰而不曉其病候。愚醫治之錯則殺。人腸癰之爲病。小腹重而強抑之則痛。小便數似淋。時時汗出。復惡寒。其身皮皆甲錯。腹皮急如腫狀。其脈數者。已有膿也。其脈遲緊者。未有膿也。甚者腹脹大。轉側聞木聲。或連臍生瘡。或膿從臍中出。或大便出膿血。○一羽軍官婦病。醫脈之知腸中有膿。下之卽愈。何以知之。曰。寸口脈滑而數。滑則爲實。數則爲熱。滑則爲營。數則爲衛。衛數下降。營滑上升。營衛相干。血爲濁敗。小腹痞堅。小便或澀。或復汗出。或復

惡寒膿爲已成。設脈逆緊卽爲瘕而血下卽愈。
腸癰下血腹中疝痛其始發熱惡寒欲驗其證必小
腹滿痛小便淋瀝反側不便卽爲腸癰之確候無論
已成未成俱用大黃牡丹湯加犀角急服之小腹
痛若腫滿不食小便不利膿壅滯也用薏苡丹皮桃仁
萸仁煎服以排之若至反側作水聲此膿已成熟也
千金托裏散下太乙膏若膿從大便出者爲直腸癰
可治若從臍中出者爲盤腸癰多不治經云腸癰爲
病不可驚驚則腸斷而死

脫肛

殺道癢痛

難經云。出者爲虛。肛門之脫。非虛而何。況大腸與肺爲表裏。肺藏蘊熱。則閉。虛則脫。須升舉而補之。慎不可用墜氣之藥。○產育及久痢。用力過多。小兒氣血未壯。老人氣血已衰。故多患此疾。是氣虛不能約束。禁固也。大劑補中益氣湯爲主。升麻須用醋煮。○瀉痢後大腸氣虛。肛門脫出。不腫不痛。屬氣血虛。補中益氣加伏龍肝。赤腫有痛。宜兼涼血祛風。加羌防芍藥。裏急下重。有膿血。加木香烏梅。○大腸熱甚而脫。

升麻湯加羌防芩連。腸風下血而脫。人參胃風湯。○
老人虛人。用力過度而脫者。十全大補湯。○腸胃燥
瀆。大便秘結。努掙太過。因而脫肛者。人參固本丸。加
槐角涼補以潤之。○有腸頭作癢。卽腹中有蟲。丈夫
因酒色過度所致。大腸者傳道之官。腎者作強之官。
蓋腎虛則泄母氣。肺虛則大腸不收。故成脫肛。治法。
內服黃連。犀角散。外用朴硝煎湯洗之。○大腸虛而
挾熱。肛門紅腫。槐花槐角等分。羊血拌炙熟爲末。以
酒送下。○大腸受熱則赤腫。受寒則白滑。皆能脫出。

當審其因證。寒者以香附、荆芥、胡葱煎湯洗之。熱者以五倍子、朴硝、白礬煎湯洗之。風熱以荆芥、薄荷、朴硝煎湯洗之。○排赤腫痛不可用熱湯薰洗。尤忌五倍子等酸濇收斂湯氣蒸發。則愈腫愈痛。宜熊膽磨水點之。或田螺去掩入水片少許。埋地一宿化水點之。○病勞人脫肛。骨肉相失。聲散嘔血。陽事不禁。夢寐交侵。呼吸不相從。晝涼夜熱者死。唾膿血者亦死。其脈不數而有根。帶及頰不赤者生。○小兒脫肛。龜頭燒灰塗之。

穀道瘕痢。多因淫熱生蟲。欲成痔瘻。宜以雄黃入艾
綿燒烟薰之。○治穀道蟲赤腫。或瘕或痢。用杏仁搗
作膏傅之。或炒令黃。以綿蘸塗穀道中。○外臺論下
部蟲嚙。杵桃葉一斛蒸之。令極熱。內小口器中。坐定
薰之。蟲立死。○治肛門腫痛。用木鼈子肉四五枚。研
極細。沸湯泡洗。另用少許塗患處。

痔

漏

內經曰。因而飽食。筋脈橫解。腸癖爲痔。又曰。督脈生病。瘰癧。或醉飽入房。精氣脫舍。其脈空虛。酒毒乘之。流注於脈。或淫極而強忍不泄。前陰之氣歸於大腸。而痔或以藥固精。停留不化。流著篡間。從其所過肛門而爲痔也。其證有七。肛邊發露肉珠狀如鼠乳。時出膿血。妨於更衣者。曰牡痔。肛邊腫痛生瘡。突出腫五六日。自潰出膿血者。曰牝痔。肛邊生瘡。顆顆發癰。癢而復痛。更衣出清血者。曰脈痔。腸內結核。痛而有

血寒熱往來登溺脫肛者。白腸痔。因便而清血隨下。不止者。曰血痔。每遇飲酒發動。瘡痛流血。曰酒痔。憂恐鬱怒。立見腫痛。大便艱難。強力肛出而不收。口氣痔。名色種種。各當審其因。而治之。其形有如蓮花雞冠。核桃。或如牛乳雞心。鼠乳。櫻桃之狀。或藏肛門之內。或突出於外。久而不瘥。變爲瘻也。潰有血膿。都爲熱。甚至若潰出黃水。則爲溼熱矣。久而不愈。血氣衰弱。以致穿穴成漏。又無痔而肛門左右。別有一竅。流出膿血者。俱當戒酒。遠色。少勞。茹淡。方妙。立齋云。

痼痛二便秘宜清熱涼血潤燥疎風若寒涼損中者
調養脾胃滋補陰精若漏而穿醫穿腸者宜養元氣
補陰精大便秘者潤燥養血肛門墜下作痛瀉火除
滯或作瘻者祛風勝溼腫痛小便不滴瀉肝導滯若
疝與痔俱患用六味丸補中益氣並進○痔證之方
不一東垣雖分溼熱風燥四治大都不離蕩滌瘀熱
之藥如蛻皮皂角橫櫛大黃桃仁之類在所必用兼
風毒則加羌防升柴甚則麻黃蘗本汗之兼燥氣則
加秦艽當歸黃耆澤勝則加蒼朮黃蘗澤瀉茯苓兼

熱甚則加芩連郁李生地。膿血則加甲片歸尾酒痔
則加葛根赤小豆地芍苓半。氣痔則加枳橘木香紫
蘇食積則加黃連枳實麴蘖。痛極則加乳沒血多則
加髮灰氣虛則加參耆血虛則加膠艾。不必拘執古
方也。惟血痔諸藥不應。石煤槐花空心烏梅湯服神
効。○陳毓仁云。諸痔欲斷其根。必須枯藥。當實其竅。
必戒房勞百日。方妙。凡治內痔。先用通利藥。蕩滌藏
府。後以喚痔散填入肛門。其痔卽出。欲用枯痔散。先
以護痔膏圍護四邊好肉。然後上之。上枯藥後色黑。

堅硬裂縫則以落痔湯洗之脫落後孔竅不收者以生肌散摻之至於穿腸久漏者另有胡連追毒丸黃連閉管丸主之諸痔及五癭六瘤凡蒂小而頭大者俱用灸線方治之○洗痔法用生蚌劈開取水點即用煮湯熏洗効○痔瘡赤腫痛以真熊膽研水點之腫痛自消○點痔用大蠅螺一個挑去掩入麝香冰片少許過一宿化水點之又法用大蠅半一箇去殼生銀杏肉一枚同研爛入冰片半分研勻點上卽收漏○經云陷脈爲癭留連肉腠因瘡穿膿汁不盡復

感七情四氣而成近則常淡紅或微腫或小核久則
上而稿白內而黑爛淫蟲惡臭生焉治法宜補氣生
血外以黑附子爲末唾津和作餅如錢厚以艾灸之
隨漏大小作炷但灸微熱不可使痛乾則易困倦則
止來日再灸直至內平爲効仍須補藥常服○丹方治
痔漏以積年琉璃洗淨油膩火煨研細以紅酒服四
錢不過七日其管自去○丹方以鯨膠一味炒研爲
散日用錢匙砂糖調服服久痔自枯落一法以降藥
紙條然進黑膏掩之自脫以乾漆灰然進亦脫或生

漆塗入亦脫。以漆能破瘀血也。大抵漏瘡孔中多有惡穢之物。以露蜂房白芷苦參煎湯。無風處薰洗。日三次。良。○有痔漏人。每日侵晨食狗肉。勿令間斷。取其性溫益腎。腎主二便。百日中管自消。不藥而愈。○又法。外用土壑燒赤。放罈中。以亂髮燒烟。日薰二三次。無論新久痔漏。日漸管脫。焦枯而愈。

張氏醫案卷之七終